


## ሰክርቲር ጀብህት ሽዑብየት እግል ዲሞቅራሲያዊት ወዕዳለት ምናድል አልአሚንን መሐመድሰዒድ አስተሸህደ

ሰክርቲር ጀብህት ሽዑብየት እግል ዲሞቅራሲያዊት ወዕዳለት ምናድል ወሚርሓይ ሰቡል፡ አሰይድ አልአሚንን መሐመድሰዒድ አልአሚን፡ እት 74 ዕምሩ እት የም 14 ኖቬምበር እት ሰቡድዩ አስተሸህደ።

ሙናድል አልአሚንን መሐመድሰዒድ፡ ሓድረት ሓለት ወጠን እበ ገንሕ ሰሚናር ሽዑብ እግል ልውዴ እት ሰቡድዩ እት እንቱ እበ ሳደፊዩ አመት አለበ ሕማም ቱ፡ እት እስብዳልየት መራዓየት እንዴ ትገቢእ እግሉ ለአስተሸህደ።

እት ወርሕ 4 ሰነት 1966 ምን ሰቡድዩ ሰውረት ለትሓበረ ምርት ምን መአሰሰት ቅዋት ሽዑብየት ሓቱ ሙናድል አልአሚን፡ ምን 74 ዕምሩ 55 ሰነት እት ንዳል እግል እስትቅላል ወብንየት ወጠን ለሓለፈ፡ ሰቡል ወእብ መሰል ለልትሽረሕ ሚርሓይ ቱ።

ሕክሙት ኤረትርዩ ወጀብህት ሽዑብየት እግል ዲሞቅራሲያዊት ወዕዳለት፡ እብ እስትሸሃድ ሰቡል ወሚርሓይ ገዲም ሙናድል አልአሚንን መሐመድሰዒድ ለትሰምዐየም ሐዘን እት ሸርሐ፡ እግል ሽዑብ ኤረትርዩ፡ ዓይለቱ ወናይ ንዳል መልህዮሙ ኤማን ለሀበኩም ልብሎ።



## ሓክመት አቅሊም ቅብለት በሐር ቀየሕ ምስል ሰካን አፍዐበት ተአመሕብር

ሐክመት አቅሊም ቅብለት በሐር ቀየሕ አሰይደ አሰመረት አብርሃ፡ ምን የም 9 አስክ 11 ኖቬምበር ዲብ ምዳየት አፍዐበት እትለ ወዴቱ ጀውለት፡ ዲብ ፈዓልየት በራምጅ ዐማር ወዶር መጅተመዕ ለረከዘ እጅትማዓት ወዴት።

አሰይደ አሰመረት፡ ዲብ መዲነት አፍዐበት ምስል ዐባዩ-ዐድ፡ አንፋር ለጅነት፡ ሙደረእ ደዋዬሕ፡ መስኡሊን ናይ ለትፈናተየ መአሰሳት ወብዕዳም ዲብለ ወዴቱ እጅትማዕ፡ አደቀቦት ተናዘም ሽዑብ - ዶሩ ዲብ አርህዮት ነዋቅስ ከደማት እጅትማዕየት፡ በራምጅ ነዳፊት ድዋር ወአሀምየት ዓፍየት፡ ወራታት ሽትል ወዲብ ሓለት ጀው ወድዋር ለቡ ፋኢደት፡ መምሬሕ ማልየት ዲብ ፍዕል ኢአውዐሎቱ ለተሌ መሻክል ሀድገት።

ዲብ ሽብህ-መዳይን ወእዳራት ደዋዬሕ፡ ዲብ ሐረከት-ግሩሽ ጀሬ ለጸንሐ መሻክል፡ ክምስልሁመ ሽዑብ ለለአፈግረ ግሩሽ ሐብሬ-ዋድሐት ዶል ኢልትህየብ ለሰበቡ መሻክል እግል ልትሸክክ ምስዳራት እግል ልትነሳእ ወእብ ለትወቀለ እግል ልትከደም ዲቡ ክምቱ ለሐበረት አሰይደ አሰመረት፡ ዐባዩ-ዐድ፡ ክምስልሁመ ዲብ ለትፈናተ ደረጃት-መስኡልየት ለህለው መስኡሊን፡ እብ ዐቢሁ ህዩ ሽዑብ ዶርም እግል ልወቅሎ ትፋኔት።

አሰይደ አሰመረት እምበል እሊ፡ እግል ምዴርያት ነቅፊ፡ ቅርረ ወአዶብሐ፡ ክም እስብዳልየት መርጅዕየት እንዴገብአት ክዳማት ተህይብ ለህሌት እስብዳልየት አፍዐበት እንዴ በጽሐት ወራታት ሐቅለ ገንሐት፡ ለህለ እግል መሐገዝ አላትል ወብንየት ተሕትየት



### በቅለ፡ መአሰሳት ከደማት እጅትማዕየት

እት ሮረ ሐባቡ፡ እዳረት ደዋይሕ በቅለ- ምዲርየት ነቅፊ ለትበክ መአሰሳት ከደማት እጅትማዕየት፡ እት መንበሮ መዋዋኒን ረህየት ክምስል ከልቀ፡ ሰካን ሸርሐው።

ህቶም እግል ኤሪን እት ሀበወ ሐብሬ፡ እት ለትፈናተ አውካድ ዓያም ማይ አዳም ወንዋይ፡ ክምስልሁመ መአሰሳት ዓፍየት ወተዕሊም፡ እት አምዕላይ መንበርህም ወዐቦት ድዋራቶም አሳሰያይ ተቅዩር ክምስል አምጸእ እሎም አከደው። መስኡሊ እዳረት ደዋይሕ አሰይድ ሳልሕ ዐሰማን እብ ተረቱ፡ እት ድዋራቶም ወጀዶት ማይ ሲቶ አዳም ወንዋይ ለለአደምን 20 ሸርም፡ ምር መርከዝ ዓፍየት፡ ክምስልሁመ 3 ናይ አወላይት ደረጃት ወሐቱ ምግባይት ደረጃት መዳርስ ክምስል ህለ ወከደማት ርቱብ ህይብ ክምስል ህለየ ሐበረ። እት እዳረት ደዋይሕ በቅለ፡ እት ሰስ ዐዶታት ለልትክምክም ሐድ 6 አልፍ ሰካን ህለው።

### ሐብሬ ምን ወብረት ዓፍየት

ማሌ እት መራክዝ መርመራታት ወክልኩል አቃሊም ምግብ፡ ግብለት ወቅብለት በሐር ቀየሕ እበ ገእ ናይ ሳቦራቶሪ መርመራታት፡ 13 መዋዋን ኮርን አሻይረስ ክም ረክበዮም ተአከደ፡ ህቶም፡ 6 ምን አቅሊም ምግብ-ህለት 3 ምን መርከዝ ክልኩል፡ 3 ህዩ ምን መርከዝ መርመረ እት ገበኤ አሮ ምን ከርስ መዲነት፡ አሮ ምን ጎዳይፍ፡ አሮ ህዩ ምን ሴታንትኦቶ፡ ክምስልሁመ 6 ምን አቅሊም ግብለት- ህለት አሮ

ምን መርከዝ ክልኩል ዐዲኻላ፡ 5 ህዩ ምን መርከዝ ክልኩል- ህለት 2 ምን ማይም፤ 2 ምን ዐዲኻላ፡ አሮ ህዩ ምን መንደፊራ፡ ክምስልሁመ አሮ ምን መርከዝ ክልኩል ግንደዕ- አቅሊም ቅብለት በሐር ቀየሕ ቶም፡ እሊ ክእነ እት ሀሌ፡ ኮርና ሻትረስ እንዴ ረክበዮም ከእት እስብዳልየት መራዐየት ትገብእ እሎም ለዐለት፡ 17 ምን አቅሊም ግብለት፡ 13 ህዩ ምን አቅሊም ምግብ እብ ዓመት 30

መዋዋን እንዴ ሐየው ልትሳረሐ እት ህለው፡ ወለት 55 ሰነት ምን አቅሊም ምግብ ህዩ ትወፊት፡

እብ አሳስ እሊ፡ ዓም ዕልብ ናይለ ኮርን አሻይረስ ለረክበዮም መዋዋኒን አሰክ እለ ዮሙቱ 7076 ባጽሕ ህሌ፡ 6,893 ምን እሎም እንዴ ሐየው ለትሳረሐው፡ 52 ለትወፊው፡ 131 ህዩ አሰክ እለ እት እስብዳልየት ልትዓለጅ ለህለው ቶም፡

ወብረት ዓፍየት  
16 ኖቬምበር 2021



## ሽሬሕ ውዛረት እዕላም

ንዛም እዳረት አሜርኩ፡ ክም አተላላይ ናይለ ምን ገበየ ለሽክፈ መባዋር ዐዳውቱ፡ ዲብ ኤረትርየ ሐዲስ ለመስል መኔዕ ቁሩር ሀለ።

እሊ መኔዕ እሊ፡ እት መንጠቀት ቀር-አፍሪቅየ እብ ዓመት፡ ወዲብ ኢትዮጵየ ህይ እብ ፍንቱይ፡ መስኩበት መስተቅበል ለተአክድ ደማነት ሐል ዳይም እግል ኢትትረኩብ፡ ለኢለአትካርም ወለትራየመ ነዐር ወመሐባልክ እንዴ ከለቅከ እግል አትመቃርሐቱ፡ እግል ኤረትርየ እብ አትካስሐት ወመረት ሀድፍ እግል ትግባእ ለአመመ፡ ቃኑን ዐለም ለከይድ፡ ሲያደት፡ ሕርየት ወእስትቅላል ገባይል ወድወል ለኢለሐሽም መኔዕ ብሐታ ቱ።

እለ ሰልበጠት እለ እት ፍዕል እግል ትውዑል፡ ዐዳለት ወእስባት አማን ለአለቡ ሸክዋት መረር እንዴ ትፈብርኩ፡ እብ ናይ ሐሰት መክብረት እንዴ ትነሽር፡ ናይ በይንከ ሸክወት እንዴ ከለቅኩ፡ እብ ኩብደም ለትዘበው እንዴ አሸሀድኩ፡ “ቀረርት መኔዕ” ዕላመት ዐውል ለአለበ ወለተአመሽግ ፈብረካት ቱ።

ክምሰለ “እት ረአስ ዝብጣት ዒረት” ለትብህል ላኪን፡ ሸዑብ እንዴ አሰፍሬከ ወዐዘብከ ነዐር ወመትብጭባጭ እግል አትቃርሐት፡ ቅቡልየት ቃኑን ለአለቡ ፍርድ መኔዕ ቀረርት፡ “ለፈረድናሁ መኔዕ ሸዑብ ኤረትርየ እግል ንእዜ እንዴ እምቤ ኢትን” ለልብል መስምስ እምቤዕ አልመ፡ እግል ገብእ ልግበእ ህሙል ለበሰጥ አው ለለአከልጥ እግል ልግበእ ኢቀድር።

ሕኩመት ወሽዑብ ኤረትርየ፡ እሊ ምን ዐዳለት ወገበይ ቃኑን ለሰሐተ “ፍርድ መኔዕ” እብ ደሚር ወእብ ፍዕል እንዴ ሰቁ፡ እግል ክሎም ፈተች ዐዳለት ወአማን፡ ሕርየት ወሲያደት ለሶም ገባይል ወቅዋት፡ ዕላቀት መዳፈዐት ግድላሆም እግል ለአደቅቦ ለአትፋቅዶ።

ውዛረት እዕላም

13 ኖቨምበር 2021

## ሀመሌ ወኢመትአያስ ዐውል እግል ኢለአድፈዐን!

ዲብ እሊ ወክድ እሊ፡ ዲብ እዲነ እብ ግዲደ እብ ከሮን ሻይረስ ናይለ ትጸበጠው አንፋር እብ ዓመት ሐድ 253 ሚልዮን፡ ናይለ ሞተው ህይ ዲብ ዝያድ 5 ሚልዮን ዓርግ ክምሰል ህለ ልትአመር። እሊ ለለአትአሰፍ ዕልብ እሊ ምሰለ ናይ ደዓምመ እበ ትሻቅል ገበይ ወሸፋግ ለወሰክት ሞት ልትመጣወር እት ህለ፡ እግል ብቅት ናይለ ሻይረስ እብ ዶልዶሉ ልትፋረኮ ለህለው፡ እብ አልፈ፡ ቤተ፡ ጋመ ወደልተ ለልትአመር ጂል ሐዲስ ለለርኤቱ።

ዲብ ኤረትርየ፡ ገሸለት ኮሮን ሻይረስ እግል ክርዐት፡ ፈዛዐት መጅተመዕ ለተሓበረ እቱ ድቁብ ወፋይሕ ናይ መዳፈዐት ምስዳራት እብ ዶሉ ሰበት ትነሰኡ፡ ቅያስ ናይለ እበ ሻይረስ ለትጸበጠው ምሰል ወቅት ልደሀር ወልትወቀል ምንመ ዐለ፡ መትመዳዱ እብ ክሉ ናይ እዲነ ወመንጠቀት መቀደሲታት ሰኒ ድሁር ዐለ እግል ልትበህል ቀድር። ምነ አስክ እለ ዲብ ኤረትርየ ሰጁል ለህለ 7 አልፍ ቅያስ መትጸባጥ፡ ለ97 ምእታይት እንዴ ሐየው ልሳረሐ እት ህለው፡ ቅያስ ሞት እብ ጌማም ምተሐት 0.7 ምእታይት ህለ። እሊ ህይ ፈድለ ትነሰኡት ምስዳር ወመትአያስ ገበልነ እት መደጋግ ቱ እግል ልትበህል ቀድር።

እለ ለተትሐብን ፍገራት እለ ዝያደት መርሀዮ ለተሀይብ ላኪን፡ ክሎም ለፈግረው አግቡይ መዳፈዐት እብ ዋጅብ ወእብ ትሉሉይ ዲብ ፍዕል ሰድ ልውዕሎቶም።

ናይ ድወል ብዝሓት ተጃርብ ውሓድረት ሓለት ዶል እንረኤ፡ ክምሰልሁመ ለክታበት እብ ፋይሕ አምበትነ ለልብለ እግል ገሸለት ዲበ ደሀረት ደረጃት ከሬናህ እንዴ ቤለየ ናይ ክልኩል አርሀዮት ምስዳራት ለነሰአየ ድወል ምሰል እሊ ናይ ሻፍግ አሰሐባብ ጠቢዐት ለቡ ጀዲድ አጅያል ወመትአምባት ብሩድ ሐናት፡ እግል ሳልስ ወራቤዕ አምዋጅ ገሸለት፡ ወሱክ ናይ አዳም ክሳር ትሳድፈን ህሌት።

ዲብ ዐድነ ህይ፡ ምሰል አርሀዮት ናይለ ቅሩር ለዐለ ቀዋኒን ክልኩል ምዋጥኒን ወመአሰሳት እግል

መምርሒ መዳፈዐት ኮሮን ሻይረስ እብ ብሼሽ ዲብ ለአመሾ ምኑ ወዲብ ከዩዱ ልትረአው ሰበት ህለው፡ ዲብ እሊ ወቅት እሊ ለተአፈርህ ሓለት መትጸባጥ እበ ሻይረስ ልትረኤ ክምሰል ህለ፡ ናይ ክል ምዕል ተቃረር ለበራቶሪ ወጠን ለአሸር ህለ። ክምሰል መሰል ዲበ ሐልፈ ወርሕ እክቶብር እብ ጌማም እት ክል ምዕል 4 ለዐለ ቅያስ መትጸባጥ፡ ዲብ እሊ ግዳርነ ወሬሕ ኖሽምበር ዲብ ብዙሕ አርካን ወጠን 20 ወዝያዳሁ ባጽሕ ህለ። ሐምስ ዕጽፍ ናይለ ቀደሙ ለዐለ በህለት ቱ። እሊ ህይ ሰኒ ለሻቅል መደወን ቱ።

እለ ዛህረት እለ ዝያደት ለተአፈርህ ለወድዮ፡ ለመትጸባጥ፡ ምን አካናት ክልኩል ወለዐል፡ ዲብ መመርመሪ መራክዝ ልትረከብ ህለዮቱ ቱ። እሊ ህይ ናይለ ልትረኤ ለህለ ለለአፈርህ አሰሓባብ ናይለ ገሸለት ለለርኤ ቱ።

ኮሮን ሻይረስ ዲብ ጀው ብሩድ - ዲብ ሀወእ ውብዕድ መትሐሳልፈት ሸበህ እግል ሰያታት ብዙሕ አው አያም ሰበት ጸንሕ፡ እብ ፍንቱይ ዲብ እሊ አትያም እቱ ለህሌነ ናይ ቀይም ወሐጋይ ሐናት (ምን ሰብተምበር አስክ ፈብሩዋሪ) ዛይድ መደጋግ እግል ኒዴ ቀሰብ። ተጃርብ ናይለ እበ ሻይረስ ዝያደት ለትደመዐየ ድወል ዶል እንረኤ፡ ዲብ መደት በራደት፡ ካሬ ሀወእ እትለ አለበ ድብእት አካን ለገብእ ተጀመሪ ወወራታት፡ ዝያደት ብዕድ ወክድ፡ እግል መትጸባጥ ገሸለት ናይለ ሻይረስ ለለአዘይድ በክት ሰበት ከልቅ።

እሊ ለሰሐብብ ለህለ አግደ አሰባብ በህለት፡ ሀመሌ፡ ዲብ መትነፈዕ ዕማም አፍ ወአንፍ ‘ማስክ’ ኢሐሽሞት ናይለ ፈግር ቀዋኒን ዲብ መአሰሳት ሃይበት ከደማት፡ ዲብ ህዳይ፡ ቀብር፡ አውድ፡ ንግደት ውብዕድ መሕበራይ መናሰባት፡ ዲብ አብያት እምነት ለልትረኤ ብዝሐ መሻርከት፡ ዲብ ዐዳጋታት ወመአሰሳት ሃይበት ከደማት ለልትረኤ ሰዱ ለሐልፈ እግል ቀዋኒን መትራያም ለከይድ ተጀመሪ፡ ክምሰልሁመ ዝያደትለ ትቀረረ ዕልብ መሳፍራን ዲብ ከዳማት መዋሰላት ሸዑብ እግል ልትሀወን ወጅብ።

ክምሰለ ዲብ ብዝሓት ድወል፡ ለገሸለት ሰበት ዜደት ልትረኤ ለህለ ዐሎባጥ ወምን ሐዲስ መኔዕ ናይለ ርፎዕ ለዐለ ምስዳራት ክልኩል እግል ሀወኖት ዲኢኮን፡ ምዋጥኒን ዲብ ዮም 6 ጁን 2021 ለፈግረ መምርሕ እብ መትሐሳር እት ፍዕል እግል ለውዕሎ ወጅብ። እግል አትፋቃድ፡-

□ ክሎም እግል ልትረፎ ለኢቀድሮ መሕበራይ መናሰባት - ህዳይ፡ ሐዘን፡ ስመያት ወዋምቀት እብ ሰኒ ሐድ ወሕዱድ ቅያሴ ምን 40 ለኢበዘሐ፡ እበ ትትቀደር ህይ ምን እለ ለልውሕድ መሻረከት

ገብእ። ተኪል ዳስ ወመትነፈዕ ቃዓት ህይ ምኖዕ ቱ።

□ ዲብ አብያት እምነት በህለት ጀዋምዕ ወከናይስ ዓደት መ እብ ሰኒ ሕድት መሻረከት እግል ናይ መዳፈዐት ቀዋኒን እብ ተማም እት ፍዕል እበ ተውዕል ገበይ እግል ልግበእ ቡ።

□ ዲብ መዳይን ወበር - ዲብ ክሉ ወራታት ማስክ መትነፈዕ ላዝም ቱ። ናይ ገሮብ መትራያም ክምሰልሁመ ነዳፈት እደይ ወወረያት አግርበት እብ እህትማም እግል ልግበእ ቡ።

□ ዲብ መአሰሳት ሃይበት ከደማት ወመዋሰላት ሸዑብ፡

መትራያም ወመትነፈዕ አላት ነዳፈት ላብድ ቱ

እሊ ቀዋኒን እሊ ዲብ ረአስለ ከይዶ ጀሃት፡ ጀዘ ትሩድ እግል ልትነሰኡ፡ ዲብ ረአስለ እሊ ቀዋኒን እሊ ለከይደ መአሰሳት ህይ ናይ ደብእ ምስዳር እግል ልትነሰኡ ክምሰልቱ እብ ድግማን ነሐብር። ፋግር ለህለ ቀዋኒን ደሐን እብ ዋጅብ ትንፈዐን እቡ ምንገብእ፡ ሳልሳይ ወብዙሕ ኤዝያይ ጀዋንብ ለሰብብ ድቁብ ናይ ክልኩል ምስዳራት ምን ንስአት ሰበት ለድሕን።

ውዛረት ዓፍየት

13 ኖቨምበር 2021

### እጅትማዓት ኤረትርዩን እት ካርጅ

እት ጀርመን እት ኢቃሊም እንዴ ትካፈለ እተ ገቢእ ለህለ እጅትማዓት መትነዛም ጀብህት ሸዕብየት እግል ዲሞቅራጥየት ወዐዳለት፡ አንፋር ፈሬዕ ንኡሽ ግብለት ጀርመን እት ዮም 13 ኖቬምበር እጅትማዕ ሰነት ወደው። እተ “ ክተት ክም መርሓለት ትጠልበ” እበ ልብል አርእስ ለገአ እጅትማዕ፡ መስኡል ቀድያት ተንፊዚ እት ሰፋረት ኤርትርየ ጀርመን አሰይድ ዮውሃንስ ወልዱ፡ ሓድረት ሓለት ወበራምጅ ዐማር እበ ከስስ ሸሬሕ ሐቅለ ሀቤ፡ በራምጅ መዳፈዐት እግል ሰርገሎት አንፋር ጀብህት ሸዕብየት እግል ልትደቀቦ ትላከ።

መስኡል ቀድያት መዓየ ወሸዕቢ አሰይድ ካሕሳይ ተወልዴ እብ እንክሩ፡ እትለ መርሓለት ወራታት ሲያሰት፡ ዲፕሎማሲየት ወዐማር እግል አደቀቦት ዮምመ ክመ እት ማሌ እብ ፈዛዐት፡ ውሕደት ወጠን እግል ንክደም ትላከ።

ርኢስ ፈሬዕ ንኡሽ እት ግብለት ጀርመን አሰይድ አልአዛር አኸዘ ወዓም ቁንሰል ኤረትርየ እት ፍራንክፈርት አሰይድ ክብርኣብ ተኸስተ እብ ጀሁቶም፡ ለትኸጠጠ ኤታን እግል ልትዓወት አንፋር እግል ልተረዶ አትፋቀደ።

መስኡል ዲፕሎማሲየት ወወሳእል እዕላም አሰይድ ተኸሉ ለባሲ ህይ ምህመት፡ ሀደፍ ወወራታት ዲፕሎማሲየት እበ ገኔሕ ሸርሕ ሀቤ።

እት ደንጎበ መሸተርከት፡ በራምጅ ወጠን እግል ዐውቶት ወምህመት እለ መርሓለት እግል ትትመም እብ ፈዛዐት ክም ሻርኮ አከደው።

እብ ብዕድ እንክር፡ ኤረትርዩን ሰካን ስቶክሆልም ወድዋረ- ሸዌደን፡ እግል መጋብህት ዐዳዋት “ዱሉያም እግል ክሉ” እበ ትብል ሰቅራት ዲበ ንዘመው እሕትፋል፡ እግል አደቀቦት በራምጅ መዳፍዐት ሰዳይት ማል እግል ሊደው አንበተው።

ለመዋጥኒን፡ እብ ሰብብ ገሸለት ኮሺ 19 ዲብ ወክዱ እግል ሊደው ለኢቀድረው ዒድ ዝክረት 30 ሰነት ሕርየት ወ60 ሰነት መትአንባት ግድለ ሰላሕ ዲብ 06 ኖቨምበር እተ ወደው ዒድ ዝያድ 50 አልፍ ክሮነር ትበርዐው።

ዒድ ሕርየት ወዝክረት እንቡተት ግድለ እብ ሰላሕ፡ ዕላመት ግድለ ወመዳፍዐት ክምቶም እንዴ ሐበረው ለሙሸተርከት፡ እትለ ስም ወሕሽመት ኤረትርየ ለትወቀለየ እተ መርሐለት፡ እት ክሉ መጃላት መሀሮቶም እንዴ ሰደው ክም ከድሞ እንዴ አከደው፡ ለእብ ነባሪ ሕሹም ለትበከው ደማን ወጠን ወሸዑብ ላቶም ቅዋት ድፋዕ ኤረትርየ ከም ለሐምዶ ወለአይዶ ሸርሐው።

መስኡል ሸኡን ጃልየት ወሸዑብ አሰይድ ሲራክ ባህልቢ እተ አስምዐየ ከሊመት፡ መዋጥኒን ዲበ ሐልፈት ሰነት ወሰር ምን ቃብል ዲበ ሰርገለው በራምጃት ወጠን ናይ ግድለ ደሚሮም ለለአርኤ ክምቱ እንዴ ሐበረ፡ ምሃም መጋብህት ከም ‘መርሐለት ላዝመት’ እግል ትሰርገል ወደው ለህለው ወራታት ሐመደ።

መስኡል ቀድያት ተንፊዝየት ሰፋረት ኤረትርየ ዲብ ሰካንድናሽየ አሰይድ ዮናስ ማነ ወመስኡል ሸኡን ቁንሰልየት አሰይድ ኢሳይያስ ገብራይ እብ ጀሁቶም፡ ለዒድ ለከመው ጅሃት ሐቆ ሐመደው ዒዳት ክፈሕ ላቱ ፋዝዕ ወትሩድ መትነዛም እግል ልዳብር እበ ትወቀለት እግል ልትከደሞ አትፋቀደው።

እተ መናሰበት፡ ምን ሰካን ስቶክሆልም አሰይድ መድሃኔ ተክሌ 10 አልፍ ክሮነር፡ ምን ሰካን ዮቶቦሪ አሰይደ ከዲጀ አሕመድ ወምን ሰካን ስቶክሆልም አሰይድ ተመስገን መኮነን ክል ምኖም ከ5 አልፍ ክሮነር፡ ብዕዳም ህይ ዝያድ 30 አልፍ ክሮነር እብ ዓመት ዝያድ 50 አልፍ ክሮነር እግል ድፋዕ ወጠን እተ ዶሎም ትበርዐው ወገለድ ትበይኡ።

ለምን ስቶክሆልም፡ ኡፕሳሌ፡ ዮቶቦሪ፡ ኢስኪልሰቱን፡ አርቦግ ወኖርበሪ፡ ክምሰልሁመ ምን ኖርወይ ለመጽአው ኤረትርዩን ለሻረከው እቱ ዒድ፡ እብ ዕፌ ዓዳት ወፈን ጋምል ዐለ።



ያሬት በጽሕ ትገብእ መንደላይ (2<sup>ድ</sup> ወናይ ደንጎበ ክፈል)



ፈጅአተን ተለፎን ናይ ሐቲ ምንን ክርን እትሳል አስመዑ። ክርን እንዴ ወቀለት እቲ ህይ። እት እዝነ አጸገዐቲ። “ሀለው እድሪስ ወልዬ እምከ የሙቲ እት እሳት በነ በሽለት ወነደት። እምከ ፍዝክ ትግብእ። እምከ እሳት ወሃባት ትገለዩ። እሳት በልዑተኒ ዎ እድሪሳይ። ረመጭ ሰምሀር አንዴደየ እምከ ኢገዐዘት ወኢሐድረት” ትቤ እብ ዐቢህ ትላኬት ወአናደሀት። እሊ ለሰምዐነ መሳፍሪን ክለን ምስል “የሀይ ረቢ ፍርሃ። ሚ ትብሊ ሀሌኪ”። “ዲብ ቴሌፎን ክምስል እሊ ኢልትበህል”። እንቤ ከነሰሐናህ ወምክርነ ሀብናህ። “ላእለህ ኢሊ አላህ!! ሚቲ ዩመ አስክ ቤትኪ አቅብሊ?። እል ገበይ እል ክምስል እግልኪ ለመስል ነፈር ኢቀድረ ይማይ” በልስ እት እድሪስ ወልደ።

ሻቤላይ ካር ካር ቤል። ከእብ ሰሓቅ ክሉ አስዑዱ ሀክክከ። ወሐር”ረቢ ወዴኮ እትኪ ለእሊት እል ዐፎ ዐፎ!!! ወዴነ መንገፎ” ቤል እብ ተፍኪር ወመትዐጃብ። “እምከ የም ረቢ ምነ ረአስከ ወረአስ አቡክ። እት ረአሼ ካሪህ ህለ”። እግል እል እም እል ላቲ ብዘሕ እት መሻቀላት ኢትትክሬ እግልክ እድሪሳይ ጣይ አብዑብኩ። ክምስል ቅሳስ እት አብዑብክ ሻቤላይ ተአምሐጢጥ ህሌት ምስል ሰልአስ ሐዋተ” ብርድት ህይ እት ይህሌት ወኢጸንሐተ። በልስ ህቲመ እብ እል ኢተአብሪድ። ክለን ህይ እብ ሕበር ተወሕ እንቤ እብ ሰሓቅ። ህታመ ምስልን ትሰሐቀት።

ሐቆ እል “አነ ወወልዬ ክልኦት የታይም ሕነ በሪ ወዴክም። ምን ሸር ዝንብነ ትነጀው እግልክም” ትቤ ከእግል ክለን እብ ገጽ ግብእ ገንሐተኩ። አቡዬ ሻቤላይ መብህለ ቀዳም ሐሩቁ ሰበት ዐሉ። ሞት ላቲ ዕቃል እድንያተ እንቲዲ ረቢ ልርሐም። ሐሬ ህይ የቲም ለልትበህል የቲም እም ወአብ ኢትንየቲም ዕልም ወአደብቲ ልቡሉ።” ቤለዩ።

ላመ እት ነህንጠዋዋል ለዐልነ መኪነት። ሄራር እንዴ ኢተአትካርም ጋድሞታት ሰምሀር እግል ትጣይም እብነ ሕርጊግ እት ትብል እት ሰዐይ ሌጠ ዐለት። እግል በሊሼ ለአብረደየን መርዒ። ለሰልአስ እት ልተራቀመ እብ ድሁር። እብ ፍንቲይ ረድ በሊሼ ለሓረቀየ ራብዓይተን አስክዬ እንዴ ትወለበት እግል መፋረደት አተንሲ ቴሊኒ።

“ሰመዕ እንተ ጨብላይ መሪ እሊ እናስ እዩስ እቡ ትመስል ህሌክ? እት ደንገር ምን ኬንክ እሶለሌ በሉ ምኒነ ለኬልም ግንዳብዘ። ሸፍርነ ህይ ረቢ ሐመድነ ዐቢ ህለ እቲ ወንኡሽ። ክሉ ህይ እብ ሕሽመት አድሕድ ነብር ህለ። ክምስል እሊ ቅላደት ላቲ ግንዳብ እናስ ኢትን ፈድል ረ”። ትቤ ሰኒ ንክደት እቼ እት መስል። ሕርጊግ ትቤ እብ አትፈዐዘት።

ክሉም ምስልዬ በሊስ ሰምዖ ለዐለው መሳፍሪን። እግልዬ እንዴ

ኢልአበልሶ እግል በሊስ እት ቀበሊት አፈኹቶም ፈትሐው እት። “ሰምዒ ወለት ሰብ እንትን ሀገጊክን በዝሕመ ምንክን ህለ መስለነ። አክል እሊ ዶል ግንዳብ እትብሊ ወዶልመ አቤር። ዕምርመ ረቢ ለሀይቤካቲ እንዴ ኢትን እብ እዴሁ ለለአውሕዱ ወለለአበዝሐ ህለ ኢመስለኒ” በልስ ዎርት ምን ክለን ህግያሁ እት ትትዐገል በዐል መካልቅ ሰዩሰ።

እሊ ሰድ እሊ አነ “አጥልብ አልኼር ምን ዛት አልውጃህ አልሐስነ” ለትብል ዘዐት ዐረቢ ትቅብ ትቤ እቼ። አነ እግል ኖሼ ገበይ ሰበት ሐገልኩ። እግርዬ ሐቲ በሪ መኪነት እት እንተ ለሐቲ እግርዬ እብ ፍንጌ ክልኤ እሊት ጽብዋት ምንዬ ዐለት። እበ አጨብል ላኪን ክሉ ክሉ ጎርብዬ ጨብላይ ሰበት ዐለ። ህታመ እባ ቲ ጨብላይ ትብሊኒ ለዐለት።

አቡዬ ሻቤላይ ምነ መግልሰን ኢትረይሐ መስለኒ። “ረቢ ወዴኮ እትክን አዋልድ አዜ ጎርክን ትርሐቅ አዜ ምን ርፍዒ ወክረያኒ ቤሌክን ከአክል እሊ ትትፋረደ ህሌክን? ግዋሬነ እት ረአስ መኪነት ወሕዱድ ሳዐታት ምንዴ ገብእ እት መአተዮ ኢትራከብነ ወምዕጥን ግዋሬ ኢልልዴ እትነ ሕነ ወእንትን” በልስ እትን ንዱድ እት እንቲ። ሻቤላይ ሰሓቅ ወሀርጅ ለፈቲ አሰሉል ሐያት ለዳርስ መድእላይ እጅትማዒ ሀገጊት ዐረቢ ወጥልያን አምሐርገዩ ለለአምር። ምነ አድጋመቲ ለአምርናሁ እናስ ቲ።

ገሌ ሰምዕ ወገሌ ለአተንሲ ምንመ ዐልነ አነ እግል ኖሼ መግዋርዬ ምስል አቡዬ ሻቤላይ ዐሉ። ፡ ዒን ሐቆ በጽሐነ ወጋድም ሐሊብ እንዴ ይእንበጽሕ ለላሰትክ መኪነት ዐረም ገብአ። ክለን ህይ ድንገትጸም እት ሕነ በደድ እት ምድር ወዴኩ። እገርነ ወእደደነ ቁሱን ምኒነ ዐለ። ዲብ አሕድ ለኪክት ጋብአም ሰበት ዐልነ። ዲብ እል ባዶቦት እል ህይ ማይ ኢትን ወሰዐር። ሃባት ጸሓይ እብ ምስዐል ወእብ ምተሐት ረመጭ አሌመ እትነ።

ሸቤላይ እግል ሓምድ ወልዱ እንዴ ነሰአ ብላዮም እት ክልኤ ሞረ ጽላል ወደዩ እግሉ ከእት ሐንቲሁ አትገለዩ። ሕነ ህይ ዲብ ነሃፍት ወነዐልጅ ኬን ወእንሰር ትመወጅነ። ሰብ ዐረብዩት ዲብ መኪነቶም እት ለዓፍሮ መሳፍሪን እብ ጽምእ ወሰፍረ አድሕድ አበው። ሸቤላይ ለርሐም ወልዳይ ዝያድ ክለን ለሕረም ሐራይም አርሐመየሁ መስለኒ። “ንዕነ እንዴ ዐረር ግብአ” ቤለዩ ትብሰም እት ወዴ። ህተንመ አማናት ኢገብአ አትፍዐዶት እቲ ጽሓይ ክምስል አንደደተን አስኩ ትሳሰዐዩ ከምስሉ ወምስል ወልዱ አጽለለዩ።

አነ ላቲ ደሚርዬ ወክሉ ፍክርዬ ምን ሻቤላይ አቅባል እግልዬ አቡ። ለረሕመቲ ወለጸገቲ ለመተያሱ ወለመዳግሙ ለመካልቁ ወለሮማይ

ብጥረቲ። አቡዬ ሻቤላይ የም ድቡር ወዕሩቅ ምንመ ህለ ማሌ ላተ ዲብ ሸቡ። ምስል ግሙ ወለሐሸሙ። ከፎ ክምስል ዐለት አካት። እበ ዐገሉ ወመግልስ ከሊማቲ እግል ትጌምሙ ትቀድር። አናመ እሊ አውሳፋት እሊ እብ ኪያል ማሌ ሌጠ እንዴ ኢገብእ የሙቲ እብ ዕንቺ ክምስል ረኤኩወ ሸህድት እግሉ እምበል ሸክ ወመትረዳድ።

አማንቲ ወልዳይ ምን ወላዱ ልትጸበር። ሸቤላይመ ምን ወላድ ዕቢናሁ የም መንበር ኢልትጸበር ወቀብር ትብል ገብእ። ላኪን ምልዐል ክሉ ወእግል አርወሐቲ እንዴ ኢወዴ። እግሉ እንዴ ቤል ለመደዩ ብላይ እግል ክሉ እግል ለአጽልል እቲ ምሕሳቡ ሰኒ አትፈክሬነ ወአትዐአቤኒ። ወኒን ኢትን ወመትአባሽ አርሐብ እብነ እብ ሕበር። ክሉ ህይ እብ መራር ልትመዘን ወእት ጽንዒት ወመክረህት ልትአመር። ክእበ ሰብ ተብዕን ልትአመር። ሕናመ ወህቲ ዲብ ናይ ሳዐት ሰፈር አድሕድ አመርነ ወመዘነ። አይወ!! ዐቢ ጽላል ቲ ወቲር። ዐቢ ሕሽመት ቲ ወለዘት። ህያብቲ ወምርክብ ምርወቲ ወሰብነት። እበ ክሉ ክሉ ካርዕቲ እት ማሌ ዐለ ወእት የም ጽንሐ።

ሸቤላይ ህጅኩ ወምክሩ ወአምሩ ምን ዎርትመ ኢመሐከዩ። ፡ “ሰምዖ ወላጄ ወአዋልጄ። ቤል እግል ሸልቲታይ ባሊ ለትመስል ዒሚታቲ እት ረግሰስ እግል ዕመቲ እት ለአትራቴዐ። ወድ ሚን አደሚ ጅሩብ ኢገብእ ምንዲ ኢገብእ ወቀዩ ኢረትዕ ደባን ሆክ! ጆርቤ ልእቤለ ህይ ጠምጠም ኢኪት ወሰኔት መራር ወጥዕም ሕምርግት ወጭሪት በሀለቺ ቲ። ጠምጠም ክሉ ወእሊ ለእሉ ሀደግኩ እግልክም። ለጥምጡም መቅጠን ወዴ ወዐድ ሓድር ረፍዕ ወእቡ ለአቲ። ዐቢ ክምስል ዒቢናሁ ወንኡሽ ክምስል ሕንቅቅናሁ። ከመቅጠን እግል ትደው እትፋኔክም ወእት ሐሰበክም የሀው ወላድ ወአዋልድ። ቀብር ግብአ። መቅጠን ለአለቡ እት ዐድ ኢንፍዕ ወእት ከደን” ቤል ሻቤላይ ለኔሰሓይ እብ ዎር ዎርት እት ለአትቃምተነ ወልትፋከረኒ።

ሐቆ መደቲት አዚም ህይ ክምስለ ንፋዝ እብ ሐዲስ አትሐደስ እትነ። ፡ “ሰምዑኒ ዘዐት መክረህት ለንሳል በልስ ሸረንርቢ ዲመ አልዳይም ኢትትዳዌ ወእብ መዐሌሽ

ኢትትሰፈፍ። ክምን ዘዐት ሐምቀት ወመክረህት ትደገነ ወትሰለሞ እትሐሰበክም ወእመክረክም ወላጄ ወአወላጄ። የሙቲ ያሬት አነ በጽሕ መንደላይ አቀብል። ምን ክምስል እትሊ ዕምርዬ ለህለ ምኑ ወደረስኮ ወተዐለምኮ” ቤል ሻቤላይ ከአስቀቀበ መስኪናይ። ሞጅ አስር ሞጅ ምን ሕሳባት ህቲ አድሕድ ዳረክ እቲ ሐንገሉ። አማንቲ ህቲ ክሉ እብ ያሬት ወትምኔት ምራዱ ረክብ ምንዲ ለህሌ ላቲ። ምን ትምኔት ወሐግለ አለቡ። ላኪን ያሬት እት ልብል ክሉመ እል ሐያት ምስል ተግባቡ ወሸንህቲ ሌጠ ለሐልፈ ህለ ወዐለ። እንዴ አትለ ህይ። እሊ ለአነ ህሌኮ እቲ ዕምር። ማሲ ምድር ቲ ወሐቀ ማሲ ምድር ላሊ ህተ ተዐይሩ ለሞዳይ!! ወእንትም ለህሌክም እቲ ዕምር ህይ ፈጅር ጽብሕ ምድርቲ። ፡ ሰበት እሊ እግል ክምስል እሊ ናይ ዲብ ሞሶት ገዩስ ለህለ ብዘሕ ትደገነ እቲ ወተግሾሩ ምን የአመሪ ክምስል ብዲርዬ” ትብል። ሐቲ ለኒቡ ለምን ሰሓቀ ኢትመሸግ እበ ድርድሩ ለአድሕድ ዘብጥ ለዐለ ሰሓቅ ግሩም ትሰሐቀ ሻቤላይ።

ክለን ህይ እግል መዳግሙ ወምክሩ ልብ እንዴ ከሬነ እንሰምዑ ሰበት ዐልነ አጣቀዐነ እግሉ። ላመ መኪነትነ ለሰትክ ሰበት ቀየረት። ቡሪ ትብጊሰት አስመዐተነ። ክሉ ጸሓይ ልግብእ ወጽምእ እብ አሰባብ አቡዬ ሻቤላይ ትረሰዐናሁ። ክምስል ብዲርነ አድሕድ እንዴ ይእንዳርክ ህይ። እብ እንተ ዕረግ ወሰኒ ትገሌ ረአስ መኪነትነ በጽሐነ። ህታመ ሄራረ አስክ ገድም ሐሊብ አተላሌት እብነ። እት ጋድም ሐሊብ ማይ ወሐሊብ ምን እዴ ሰብ ገሃዊ ትከፈልናሁ። ሸቤላይመ ምስል ብዲር ልትፋረዳሁ ለዐለዩ ሕረም ሐራይም እት ጽላል ዎርት ትገሰ ወረቢ ለሀበዩት ነሰአ ምስለን።

ሐቆ ሰላት አልዐስር አስክ አፍዐበት እት ረአስ መኪነትነ ገብአነ። ክሉ መሳፍር እብ ሰላመትነ እግል ንኦቲ እት ረቢሁ አተድዐ። ምስል ማሲ ምድር ወጽሓይ ዐስተር ደበኒተ ሰበት ወገረት ፈርሀት ላሊ ወዝላም ወሕሙሊየት መኪነት እግል ክለን ለአትሻቅል ጋር እት እንቲ ዐለ። ላመ አርበዕ ደነግል ለዲብ ምግበን አቡዬ ሻቤላይ ግሉይ ለዐሉ። ክለህን እብ ዎርት አፍ። “ደበ ደንጎባለ ሰኒያም እንትም ወሓይሳም። ደዐ ወደው እግልነ” እት ልብል ትሰመዐዩ። “ግድም ጣይ አቡክንቲ ረቢ ለምኑ ልትከበት ኖሱ ደልዩ” ቤል ሻቤላይ እት ለአትባርህ። ወሐር እንዴ አትለ ህይ። “ምን ረቢ ወነቢ እንሻእላህ። ጋሻይ ዐዱ ልኦቲ ወበዐል ዐድ ጽንሕ ልግበእ”። ሐቆለ ቤል አሰክለ ሰብል ንዋይ እት ለአትቃምት። “ረቢ ልክረዐ እል እድንዩ። አዜ ሕነ ወእሊ ሰብል በለድ ንዩትነ ወሸንህትነ ወደዓነ። በናቢን ህሌት። ሕነ ሸቀላትነ ምንዝ ላም እት ገብእ ህቶም ህይ ደዓሆም ወትምኔቶም እግል ዝላም ህሌት” ቤል አክሞማስ

ክብር ኢትን ወከይነት አክሞማስ በራኣት ወጠያበት ደሚር።

ዐስተር ቅጠር ሕፋስ እግሉ እግል ትላክፍ አንበተት። ላመ እት ረአስ መኪነት ዲብ ረአስ አድሕድ ግሉያም ለዐልነ ካልአይ ጎመ አንቀዐት። ሄየእ እል ላቲ እማመተ ረቢ ልግበእ እት ለሓለት እሊ። “የሀ እስቤር ብእክ ማሚ?” እግል መሳዕድ ትሰላለ ሻቤላይ። “እስቤር የህለ ዐምን”። በልስ ህቲመ እብ ጀሀቲ።እግል ኪሰለ ትንባክ እት ልትመጤ ምን ካልእ ነፈር። “ከአፎ እምበል እስቤር አሳፈርኩነ ወገህ ግብአ”። “ከምሺ ዐለ ከፍል አቀደር ወላንድሪ ብልመክቲብ” ልብሎ ዐረብ። ቤል ከመሰለ ሻቤላይ። “አማንቲ ቀል ስድቅ ቲ ላኪን እስቤር ዎርቲ ለዐለ እግልነ ወብዲር ትነፈዐነ እቡ። አዜ በሰ በዐለ ዐረብዩት ኖሱ ልሰዴቲ እግል እትሳል አፍዐበት” በልስ ሰዋግ እግል ትሸበሐቲ እት ለአትዋርድ



# ከደማት ተዕሊም ምዴርየት ሞልቂ

መተርጎማይ፣ ሳልሕ ገመ

ደረሰ አዋልድ አንሳት ተብረሰተን ዲብ መአንብታይት



እት ምዴርየት ሞልቂ ምን ረውደት እስክ ካልኣይት ደረጃት ለልትመደደ 30 መዳርስ ሕኩመት ህለዩ። እምበል እለን እብ ሸብ ለልደየረ ክልኤ መድረሰት ክም ህለዩ መስኡል ፈሬዕ ተዕሊም ናይለ ምዴርየት መምህር ህያብ ጎይትኣም ሸርሐ። ለመአሰሳት እብ አሳሰለ ለህይባህ ከደማት 3 ረውደት፡ 20 መአንብታይት፡ 6 ምግባይ ደረጃት ወሐቲ ካልኣይት ደረጃት ክምተን ወደሐ።

እትላ ምዴርየት ቀደም ሕርየት እት ሰነት 1960 ለትበዮ ሰለሰ መድረሰት ዐለዩ። ዮም ህዩ ዐቦት ወመትመዳድ መዳርስ ክም ዐበ መምህር ህያብ ሐበረ።

“እብ ሱዉይ ክሎም ደረሰ እት መጃል አምር እግል ልሸርት ምስለ ለህሌት ሰእየት እት ክል ዐድ ከደማት ተዕሊም እግል ልትመደድ ወጅብ” ሐቆለ ቤል። እት ከደማት ተዕሊም ለኢረክበዩ ዐዶታት ደረሰ እግል ብዙሕ ሰባታት እብ እገር እት ልሄር ክም ደርሶ ወዕምርም ሰነት ተዕሊም በጽሕ እት እንቱ እብ ሰብብ ሪም ምድር እንዴ ተአክረው ሰበት ለአሰብዱ ህዩ ዲብ ፍንጌ ደረሰ ናይ ዕምር ፈርግ ክም ሰድፍ ሸርሐ።

እት ምዴርየት ሞልቂ ክልኤ ቀውምየት ህለዩ ህተን ህዩ ትግርኛ ወኩናመ ተን። ምን ሰነን ናይለ ምዴርየት ሐድ ዐደድ ለትጽብዋ ቀውምየት ኩናመ እት መሻረከት ተዕሊም ምን መአንብታይት ደረጃት እንዴ አሰብዱክ ሐዳም ደረሰ ሰበት ተአሻርክ። ለደረሰ ወለ አስክለ ለትወቀለት ደረጃት ለገይሶ ዲብ ወክድ እንዴ ኢተርፍ እት ልውሕዶቶም ለገይሶ።

እብ ሰብብ ሕማም ኮሮን ቫይረስ ዲብ ሰነት ድረሰት 2019-2020 መዳርስ ድቡእ ክም ዐለ ልትአመር። እትላ ወክድ እሊ ላኪን መዳርስ ንዙም ነሻጣተን ለአተላልዩ ህለዩ። 4.400 አዋልድ አንሳት ለብእቶም 10.401 ደረሰ እንዴ ትከብተዩ ለአደርስ ህለዩ። እሊ ዐደድ እሊ ምን ረውደት እስክ ካልኣይት ደረጃት ለሸምልቲ። መሻረከት አዋልድ አንሳት ዲብ ተዕሊም ህዩ 42.3% በጽሕ ህለ።

ደረጃት ሰነ ለልትቀየም ምንማቱ እት ለለአተላሌ ደረጃት ላኪን እብ ሰብብ ሪም አርድ ሰበት ለአትካርማሁ ክም አሰብደዮተን ይለአተላልዮሁ። ምን ለነብረ ዲብ ደዋይሕ ረዩም ለህለ መዳርስ ምን ዐደን እንዴ ትፈንተዩ እግል



ረውደት አዋልድ ሞልቂ

ልድረሰ ክቡድ ቲ። ሰበት እሊ እብ ሰብብ እሊ ለትሸረሐ ውበዕድ መታክል ዲብ ካልኣይት ደረጃት ዕልበን እት ልደሀርቲ ለመጽእ።

እዳራቶም ምስል ሞልቂ ላኪን እብ ሰብብ ጆአግራፍያይ መካሪት አስክ ዐረዘ ለቀርቦ ገብአው ምን ገብእ እብ ሰብብ ሪም ምድር ተዕሊም እግል ኢለትካርሞ እት ለቀርቦ እሎም ባካት እግል ልድረሶ ክም ገብእ መምህር ህያብ ወደሐ።

እት ምዴርየት ሞልቂ ተዕሊም እግል ዐባዩ እብ ክልኤ ገበይቱ ለልትህዩብ። ለአወላይ አብደዮት ቅዌት እት ገብእ ምን 15-45 ሰነት ለዓማርም ለሸምልቲ። እሊ ህዩ ክል ሰነት ለልትህዩብ እትገብእ እብ ሰብብ ሕማም ኮሮን እትኩሩም ጸንሐ። እግል በክት ተዕሊም ለልትነፍያ መጅተመዕ ሐረሰቶት ወዲብ ብዕድ ነሻጣት ለልትፈረሮ ሰበት ቶም ህዩ እት ምግብ ሰበት ለአትካርሞ ነቲጀት ናይለ ተዕሊም ለትትሐመድ ክም ኢኮን ሸርሐ።

ለካልኣይ ገበይ ህዩ ምን 9-14 ሰነት ለዐማርም ለከምክም እትገብእ እንዴ ተአክረው ዲብ ተዕሊም እግል ለትብገሰው ደረሰ ልትህዩብ። ለአግቡይ ህዩ እት ሐቲ ሰነት ክልኤ ፈሰል ክም ደርሶ ገብእ። አወላይ ወክልኣይ ፈሰል ዲብ ሐቲ ሰነት ለአተሙሙ። እብ ክእኒ አግቡይ

ለደርሶ ሐድ 500 ለገብእ ደረሳይ ህለው። እሊ አግቡይ እሊ ክም ነቲጀት ለልትሐመድ ቲ። ደረሰ ዲብ መአንብታይት ደረጃት ሰለሰ ሰነት እንዴ ደርሰው እግል ሰነኖም ሰበት ለዐርምም ሰነ ለልትሐመድ በሊስ ለልትረከብ ምንቲ።

እት እምተሐን ሰምናይ ወዐስር ወክልኤ ፈሰል ለሻርት ደረሰ ዲብ እብ ትሉሉይ ውቅልት ነቲጀት ክም ሰጅሎ መምህር ህያብ ሐበረ። እት ለሐልፈ ወክድ እምተሐን ዐስር ወክልኤ ፈሰል እንዴ ሻረከው እብ ደረጃት ምዴርየት ዝያድ 3 ንቅጠት እግል አምጸአው ደረሰ ፍርዕ ተዕሊም ምስል እዳረት ምዴርየት እንዴ ትመቅረሐ ‘ታብሌት’ ጃኢዘት ህይብቶም ዐለት። ለናይ ጃኢዘት በርናምጅ ምን ኣዜ ወሐር እግል ፈሩ ደረሰ ክም ለአትናይት እንዴ ትብህለ ለገብእ ቲ።

ምስል ኮምፕዩተር ለልጸበዋ ድሩስ እትላ ምዴርየት እብ ፍክረት

ለገብእ ካሬ ውብቆዕ መሳሐት ለቡ መዕመል ሰበት ኢህለ እግል ተዕሊም ለሰጅዕ ክም ኢኮን ሐበረ።

እትላ ወክድ እሊ ሞልዴን ውላዶም እት ተዕሊም ናይ አሻረኮት ውቁል ምራድ ህለ። ተአምርተ ናይ እሊ ዕልብ ደረሰ ምን ሰነት ዲብ ሰነት እንዴ ዘይድ መጽእ ህለ። እት ልሰዕ ከደማት ተዕሊም ለኢረክበዩ እዳራት ደዋይሕ ለልትረከብ ሰነንመ እብ መቅደራቶም መድረሰት እግል ልብነው ሰአላት ቀድሞ። ወለ ጂኦግራፍያይ መካሪት ናይ እሊ ምዴርየት አድብር ወአገልብ ለበዝሐ እቲ ምንማቱ ፈዛንት መጅተመዕ እት ተዕሊም ሰበት ዐቤት ውላዶም ዕልም እግል ልርከብ ምስል ክሉ መሓግዞም ውቁል ጅህድ ቶም ለወዳ።

ውላድካ አስክ መዳርስ ንድአት ሌጠ ካሬ ኢኮን። ሞልዴን ምስል መዳርስ ትርድት ዕላቀት እንዴ አሰሰው ሓለት ውላዶም ምን ቅሩብ እግል ልተብዎ ወዕምርም ሰነት መድረሰት ለበጽሐዉ እት መጃል ተዕሊም እግል ለአሻሩት ወእብ ትሉሉይ ዲብ መዳርስ እንዴ መጽአው ሓለት ውላዶም እግል ልድለው ወልራቅቦ መምህር ህያብ ልትወሰ። መጅተመዕ እግል ዐቦት ተዕሊም እግል ልክደም ህዩ አትፈቀደ።

እት መጃል ደርሰ ወኣድረሶት ሞልዴን፤ ደረሰ ወመደርሲን እግል ልትመቃረሕ ወጅብ። ደረሰ ምን ቤቶም ልትበገሶ እት ህለው ሩእየት እግል ተህሌ እሎም ወጅብ። አግደ እም ምስል ውላደ ብዙሕ ሰባታት ሰበት ተሓልፍ እት ተዕሊም እዴ ዛይደት እግል ተህሌ እሊ ወጅብ።



ደረሰ እብ ዐመል እግል ልድሮሶ አስክ እሊ ቀድራም ኢህለው። ምስል መዕመል (ለግራቶሪ) ለልጸበዋ ተዕሊምመ እግል ጀርቤ

እማት ዲብ ተዕሊም እግል ዐባዩ እንዴ ሻረከዩ፤ እግል ውላደን መስል እግል ልግበእ ወእብ ቀላል ገበይ እግል ልተበዓሆም ክም ሰድየን



መምህር ህያብ ጎይትኣም

ናይ ሕበር ጅህድ ህዩ እት ዐውቶት ደረሰ ለቡቱ ዶር ቀሊል ኢኮን።

መጅተመዕ ተአምርተ እት ተዕሊም ለህለ እግሉ መትሐሳር እግል መደርሲን ሰዳይት ወማዕነውየት ክም ለህይብመ መምህር ህያብ ሸርሐ።

እት ምዴርየት ሞልቂ ዲብ ለትፈናተዩ እዳራት ደዋይሕ ለህለዩ መዳርስ 175 መደርሲን ህለው እትን። እሊ ብዝሐ መቅደረት አዳም ምስለ ለህለ ብዝሐ አፍሱል ዶል ልትርኤ ሐድ ሰበትቱ ንቁላት እግል አግመሎት እግል ዶሉ ለለአደርሶ መደርሲን እንዴ ወሰክክ ለተምም ክምቱ ሐበረ።

ሕዲን መደርሲን ለአግደ ዲብ መአንብታይት ደረጃት ቲ ለህለ። ለካልኣይት ደረጃት መድረሰትመ እግል ምግባይ ደረጃት እንዴ ተሐሰበት ለትበኔት ሰበትተ ብዙሕ መሀገዝ ህለ እተ።

እት ለትፈናተ በካት ለልትረከብ ናይ አድረሶት አፍሱል ምስለ ለልትከብቶ ብዝሐ ደረሰ ለኢትመጣወር ቲ። ጭብ አፍሱል ክም አግደ መሐገዝ ለልትርኤ እትገብእ ዲብ ሐቲ ፈሰል ምን 70-80 ደረሳይ ህለው። ልሰዕ ህዩ ሰማን መዳርስ እት ዳላት ከደማት ለህይብ ህለዩ።

ምዴርየት ሞልቂ ሐቲ ምን 16 ምዴርያት አቅሊም ጋሽብርክ ቲ። እብ ቅብለት ምስል ምዴርየት መንሰራ፤ እብ ግብለት ምስል አቶብዩ እብ ምፍጋር ወምውዳቅ ጸሓይ ምስል ምዴርየት ዐረዘ ወሻምብቆ ትትጋወር።

ምዴርየት ሞልቂ 19 እዳራት ደዋይሕ ትከምክም።

ዴማት ጀሪደት ሐዳስ ኤርትራ





# ንዳል ስሙድ ጀላብ ሕርየት! (3<sup>ይ</sup> ክፈል)

አባይ ሐቆ ሳልሳይ ወራርመ አደርሰ። አዜመ ምንገብእ እግልዬ እንዴ ቤለ ብዕድ ወራር አትበገሰ። ሙናድሊን ዲብ ኦብድር ሳሕል እንዴ ሸፈው ጨብል ርንቦ ዲብ ወዳው ወሳሉቡ ልሰዕ አበዕነ። ላኪን ሐቆ ንዳል ረዩም ክምሰል በዕንን ወፈሸል ሸክ ምንመ ይዐሉ። ሙናድሊን ልሰዕ ረክሰለ ውቁል ርሸም አድብር ሳሕል ዴደባን እንዴ ፈግረው ጀላብ ሕርየቶም ወእስትቅላሎም እብ ፈራሰት ወኤማን ልትሓረቦ ዐለው። ዲብ ክእነ ቴለል አዜመ አባይ ራብዓይ ወራር አትበገሰ።

ዲብ 30 ማርስ 1979 ለአትበገሰዩ 4ይ ወራር አስክ ዮም 11አፕሪል አተላለ። አባይ ዲብለ ቀደም 4ይ ወራር ለዐለ ወራራት ለሳደፊዩ ሐክሩ እግል ልሰፊዩ አዜመ ቅያስ ለአለቡ ጽዋር ወጃሽ እንዴ አዳለ እስረተጅዮት ሐዳስ ኤተነ ወእብ ድቁብ ዘብጥ መዳፍዕ፡ ሰዋሪክ ወጥያራት ምድር እብ ተናናት እንዴ ገልበበዩ እብ ጀህት ነቅፈ ወራር አመበተ። ዲብ እሊ ወራር እሊ ሙናድሊን ምነ ልትከዔ እቶም ለዐለ ጅሌል ወቀናብል ኢልድሕኖ ሰበት ቤለ እብ ቀላል ነቅፈ እግል ልእቴቱ እምም ለዐለ። ዲብ ባካት ድፍዓት ፈርኔሎ ወደንደን ህዩ ናይ ትርኢኒ ምህለት ለኢለሀይብ ሸፍ ድቁብ አተለለ። አባይ ክሉ ጀርቤታቱ ፈሸለ። ሰለሕ ወጃሽ ምን ለአበዝሕ አምበል መብደእ ወሀደዩ እግል ልትዐወት ሰበት ኢቀድር፡ 4ይ ወራርመ ምን 12 አምዕል ይሐልፈ።

ከሳር አባይ ዲብ 4ይ ወራር፡- 1400 ምን ዐሳክሩ ትቀተለው። 3600 ተሓከረው። ምን ጽዋር ህዩ 1,205 ከፊፍ ወምግባይ ሰለሕ ትሰለበ። 10 ደባበት፡ 3 ድሩዓት ወ78 መካይን ህዩ ጨበልቢሎ ገብእ ምኑ።

አባይ አስክ እሊ ወክድ እሊ እብ ደቅብ ጽዋሩ ወጃሹ እንዴ

ትመክሓቱ አወላይ እንዴ ቤለ እብ ግርሁ ሰርናይ፡ እምሐጀር ወባጽዕ ለአምበተዩ ወራር 4ይ በጽሐ ወአምበል ፋኢደት፡ ለዲብ ድዋራት ነቅፈ ገብእ ለዐለ ወራራት አባይ ቅብላት ህጃማት ምሕርበት እግል ልሰመድ ሰበት ኢቀድረ፡ አባይ ኦብሳር እግል ልባድል ላዝም ገብእ። ዲብለ ሳብት ድፍዓት አልጌነ፡ ነቅፈ ወሐልሐል ዲብ ሐቱ መደት አው ዝያድ ሐቱ ኢነት ህጃማት እንዴ ሀረሰ፡ ምሽብሼበት እትለ ረክብ እቱ ወክድ እንዴ በክአ ቀደም እግል ለአሸክት ወምን ግረ እንትልፋፍ እግል ሊዴ ባሰረ። እብሊ ህዩ ገጽ ዲብ ገጽ ለገብእ ህጃማት ክምሰል ሐለለዩ ፋይሕ ሐርብ እንዴ ሀረሰ፡ ሙናድሊን ድማን ወድገለብ ክምሰል ልትነተሎ ወለጀብህት ክምሰል ትረቅቅ እግል ሊዴ ሰተተ። ወእብሊ አዜመ ሐቆ ራብዓይ ወራር ሓምሳይ ወራር እግል ለአትበገሰ ትቀሰበ።

5ይ ወራር ምን14-26 ዩልዮ 1979 አተላለ። ነቅፈ እግል ልጽበጥ ህዩ ግብረሃይል 503 ወ 508 አትበገሰ። እብ እንክር ጽርግዩ ነቅፈ ወደንደን ገጽ ዲብ ገጽ ህጃማት እንዴ አምበተ እግል



ምናድሊን እት ወክድለ መሪር ወራራት

ልብክኢ፡ እብ ድማናይት ጀብህት ነቅፈ እብ እንክር አርህጸት ናይ ሰምጥ ሕጃም እግል ሊዴ ወእብ እንክር ድገላብይት ጀብህት ነቅፈ በህለት እብ ዐገት ወሕዳቅ እንዴ አርዮመ ከርዶን እግል ሊዴ፡ እብሊ ህዩ ለናይ

ሕዳቅ ህጃም አግረዕ እንዴ ትክረ ለምን ድጌ ሰውረት አስክ ነቅፈ ለለኦቱ ከጥ እግል ልብተክ ሰተተ። ዲብ እሊ ዲብ አፍጨው መክርዩ ጥያራት እንዴ ሸቀ ታምም ክፈል ጃሽ እንዴ ከረ ኦሮ ለኢተሐሰበ መብቅያይ ቴለል እግል ልክለቅ ለተህንደስት ክጠት ጀረበ ላኪን እላመ ክጠት እሊ ኢትሰርገለት። ዲብ ቅብለት ሳሕል እብ ጀህት አልጌነ ፍሩር ለዐለ 505 ግብረሃይል እግል ዲብ ነቅፈ ገብእ ለዐለ ወራር እግል ልሰዴ ድቁብ ህጃም ምንመ አምበተ እሊመ ኢትነሰረ። ለናይ



5<sup>ይ</sup> ወራር ሸብብ ድዋራት ነቅፈ መጦር ምናድሊን ዲብ ድፍዓት

ሕዳቅ ጃሽ አባይ እብ ህጃም ምሕርበት ክምሰል ትመሰሳቱ ህዩ ሓምሳይ ወራርመ ሰሜቱ እንዴ አስመ አክተመ።



ምናድሊን ሰለብ አባይ ዲብ ገርቶ

ዲብለ ናይ ስሙድ ሰዋትሩ እንዴ ሸፈ። ሐለቱ ትደቀብ ውበዝሐ ጽዋሩ ወስክ ወዘይድ

ትርድት ዐለ። ዮም ለአቡ ምድር እንዴ አጥሀደገዩ ህዩ ምን አፊት ነቅፈ አስክ ቅምቤት አፍዐበት ባካት ሐርመት ዐሾርም ጌለለዩ። እሊ ህዩ ሐቱ አማን አከደ። ጃሽ ሸዕቢ ምን እንሰሓብ ዲብ ህጃም እግል ልትዐዴ ክምሰል ቀድር ተአከደ። እብሊ ህዩ ዲብ መርሐለት ጃልነት(መሳወየት) ለተኣቱ መንገአት ትከሰተት።

ምን ዐውቲታት ህጃም ጀብህት ነቅፈ፡-

ዲብ እሊ ህጃም እሊመ አባይ ቅያስ ለአለቡ ከሳር ወመላል ሳደፊቱ። ጃሽ ደርግ አምበል እት ረክሰ አዳሙ ለጀረ ደማር እሊ ለተሌ ከሳር መምተለካት ሳደፊዩ። 17 ደባበት፡ 7ሙደረዓት፡ 97 ለትፈናተ ጅንስ መካይን፡ 80 ጅንስ-ጅንሱ መዳፍዕ ወድድ ጥያራት ረሻሻት፡ 3,600 ከፊፍ ወምግባይ አስለሐት ትሰለበ። 15 ደባበት ወመደረዓት፡ ክምሰልሁመ 100 መኪነት ደመረዩ። ጃሽ ሸዕቢ ሐቆህ ዲብ ጀብህት ነቅፈ ለወደዩ ሰርጉል ህጃም፡ ዲብ ቅብለት ሳሕልመ ምን ዮም 10 -15/1/1980 ህጃም እንዴ ሀረሰ እት ረክሰ ጃሽ አባይ ወመምተለካቱ ደማር ዐቢ አጅረ። ዲብ እሊ ህጃም እሊ 5,000 ዐሳክር ደግር ትቀተለው ወተሓከረው። ወዮም ለአለቡ ምግባይ ወክፊፍ ሰለሕ ትሰለበ።

እብሊ ዳምቅ ዐውቲታት ጀብህት ነቅፈ ወቅብለት ሳሕል ህዩ ለሐምሰ ወራራት ደርግ ካቲማሁ እብ ዐውቲ ጃሽ ሸዕቢ ተመት። ላኪን ሐቆ እሊመ ወራራት አባይ ወለህጃማት ጃሽ ሸዕቢ ይአትካረመ። ለንዳል ጀላብ ሕርየት እበትወቀለት አተላለ። አባይ ህዩ ሱሳይ ወራር እግል ለአትበገሰ አዜመ መዳሊቱ አስተብደ። ለዲብ መደት ሐጫር ወድዩ ለዐለ መዳሊት ሰበት ይዐወተዩ ህዩ እግል መደት ክልኢ ሰነት እግል ልዳሌ አስተብደ።

ልተላሌ . . .



ዲሰምበር 1979 ዲብ ጀብህት ነቅፈ ለትሰለበ መካይን ዐሰከሪ

አማንቱ አባይ ወራር ደርብ ወራርመ ምን ሀረሰ ወምሰል ጌምዩቱ ለትፈናተ ኦብሳር ምንመ ባሰረ ቅብላትላ ዲብ መብደእ ወዓድል ሀደፎም እንዴ ሰምደው ኦሮት ቅብላት ዐስሮታት ልትሐረቦ ለዐለው ምሕርበት ተሕሪር እግል ልትሰርገል ኢቀድረ። እብሊ አባይ ለጀረበ ምን ጀረበ ወኦብሳር ምን ባደለ ከሳሩ ወሰከት ዲኢኮን ኢነቅሰት። እብ ቃብል እሊ ጃሽ ሰውረት





ኬትባይ፡ አቡበከር ዐቢይል አወል ተርጀመት፡ ከልሹም መሐመድ

ሓይላም ቁርኦት ዓሙድ ዕንጃረ፡ ለምን ክታብ መኸተ “ክፈሕ” ለነሰአናሁ፡ አንፋር ክድመት ወጠን እት የም ፊራሮ ዐማር ወብን ወጠን እት እንቶም፡ አመቱ አለቦም ለለዐተግተግ እቶም ወራራት ወያኔ፡ መጦርለ ሐዎም ወዋልዴኖም ሙናድሊን እንዴ ሰምደው ለአርአወ ፈራሰት ወሐሊፍ ቢዘ ወጠን፡ ሐጠር ወፈራሰት አንሳት ለትሸፊሕ ቅስት ‘ምጽላል እግል ወጠን ጽላል’ ደንጎባህ እሊ ተሌቱ። ክምለ ትፈቁዶ ምጽላል እት ካልእ ወራር ወያኔ እት ጀብህት ባድሚ እንዴ ትዘበጠት እዘን ጸመ ወብዕድ ጅረሕ ገእ እት ምናተ አጽለዐተ እንዴ ሐየ እዘን እንዴ ሰኒ ኢፈቴሕ እት ውሕደተ አቅበለት። ሐቆሁ ለጀሬት ንርኤ።

ሐቆ ፈሸል ካልእ ወራር ለእግል አውረሐት ሃድእ ለዐለ ሐርብ እብ ሐዲስ ቀንጾ። እት ማየ 2000 ሳልሳይ ወራር ወያኔ ረሰሚ ትብገሰ። ምጽላል ክምለ እት ሐልፈ ወራር ለወዴቱ እት ካናሌ ድፈዐ እንዴ ገብአት ምስል መጅሙዐተ፡ ምስል ከረ ስተል መሐመድ (ወለት መሐመድ)፡ ሚዛን ወብዕዳት ሐዋተን፡ ከዛይን ረሳሳት መለኦ ወመጅርሒን ሰፈ . . . እት ትንፋሳ ለኢሊህይብ ጸገም ገብአዩ። ለእዘን ክቡድ (ጽሙመ እግል ልትባህል ለቀድር) አክራን መዳፊዕ ወአሰለሕ ብዕድ ሰምዐት ላቱ ኢከልአዩ። ገሌ እብ እዘን ትሰምዖ ወገሌ እት ረሓት እገረ ልትሰመዐ። እብ ኢትራቅብ ክርንተ “ኦብሸርኩም! ቦሎም!! ቦሎም!!” ትብል አሰክ ሕልቅመ ትትሐሸሐሸ። ምን ድፈዕ እንዴ ትሻቡብ አተቃባል አመለ ገብኤ፡ መልሂተ ዶል እብ ከሚሸተ ወዶል እብ እዴህ እት ልሰሕበ ዲብ ከናሌህ ለአትያህ ዐለዩ።

ምጽላል ሓለተ ሐቱ ዶል



የግልጽ

ከልሹም መሐመድ

# ምጽላል፡ እግል ወጠን ጽላል (3ይ ወናይ ደንጎበ ክፋል)



ሸሂደት ምጽላል ገብራይ

ትብደለት፡ ናይለ ጼናታት ባሩድ ወለክክራን መዳፊዕ ቱ ገብእ ምን ቅያስ ወለዐል ሐፍነት። ክምለ እት ገይለ ዕሙር ለሀሌት እብ ሸፋግ እንዘ ወኬን ዲብ ትብል ረሳስ ወቀናብል ናወሎት አተላሌት።

‘ሞጉዲ’ ለክናየቱ ወድ መጅሙዐተ ረሳስ ለመልአተ ከዘነት እንዴ አትከበተቱ ለእንዴ ከለሰየ ለለክፈየ ከዘነት እግል ትርፈዕ ድንን ክም ትቤ፡ ምን ጸብጡ ለዐለ



ድፈዕ እንዴ አንጀልሐጠ እት ረአሰ ወድቀ። እብ ድንጋጽ እግሉ ምን መቅጠን እንዴ ሸንክ አበለት እብ ብጣረ ገብአት። ሙጉዲ፡ ጅብሁቱ ወዕን ድማት እንዴ ትዘበጠየ ክም ወድቀ ሕስ ኢበልሱ፡ እባሁ ትም ቤለ። ግሩም አቅመተቱ፡ “ኢሀለ፡ አሰተሸህደ ልትፈሊ” ትቤ፡ ቀብጾቱ።

አፊመ።

እመ እግል እለ ዌርሳይት ምሔርባይት፡ አሰይደ አብረህት ሰመሬ አድሐኖም፡ ክም ክለን እማት ኤረትርየ በዐል ኤማን ወመብደእተ። ወጠን እምበል እስትሸሃድ ክም ዶእንሰክብ ወኢነአማድድ እት ሰኒ ተአምር።

“ደፍአቼ፡ ሴምዳይቼ ወሴምዳትቼ ዐለት ወለቼ ምጽላል፡ ንኢሸቶ ዲብ ሀሌት እት አፍዐበት ሻሂ ዲብ ተአዘቤ አካን አብ እንዴ ገአት የታይም ሐወ ተትግቤኒ ዐለት። ምናተ፡ ምን ቀድየት ቤተ ቀድየት ወጠነ ዐቤት ዲብ ከደሐረኒ እንዴ ቴሰኒ ምስል ሳብዓይት ደውረት ክድመት ወጠን አሰክ ሳወ ትብገሰት። ደሐርኮ ከሳረሕክወ። ሐቱ ዶል ሌጠ እት ዲብ ዐለት አርድ ምሔርበት እንዴ ግስቡ ርእየተ ዐልኮ። ከላሸነ እንዴ ረፍዐት ዋርድየት ፋግረት ጸንሐተኒ። የም አየ ሀሌት፡ እብ ሲጋህ ነቅሰት ምንእኔ፡ አሰክ የም ላኪን መልኦክ ምስልዬቱ፡ አጀኒት ተአትግቤኒ ሀሌት፡ ሽዑብ ወሕኩመት ኤረትርየ ደብሰኒ ወለደፍኦኒ ሀለው። ረቢ ልትሐመድ” እት ትብል፡ ሹህዳን



አሰክ ሀለው ሕጊነ ወገለብነ፡ ወእተ መስከብ ዲማሆም ክም ተሐቀፈው ትንፋሳን ወደማን ነቢርነ ክምቶም ተአክድ።

መለሆ ሸሂድ ተኽሌሃይማኖት እምባዩ(ወዲ እምበ) ኖሽምበር 7-1998 እት መሓዝ ወዳሴ እብ እት ክድመት ወጠን እንዴ ተሓበረት ምስል ሐወ እግል ትናድል ለነሰአቶ ቀራር ዲብ ልትዐጀብ፡ ወሀለየተ ወእለ መሰለ እግል ወሕደት ፊሕ ክም ሀብተ እት ሸረሐ ቤለ፡

“ዲብ እለ ፍርቀት ዓዳት በጠሎኒ ክም ከረ ምጽላል ወጠልቀመ ለመስሎ ሸባብ ነኦይሽ ሰበት ሀለው እኔ ዲብ ቤትነ ምስል ሐውነ ነኦይሽ ለሀሌነ መስል እትነ። እንዴ ነብእ ረኤ! እለ ምጽላል ሚ ንዳል ወወጠን አትአመረየ ከምን

ቤት እመ እግል ንዳል ፈግረት። ዐደ ለከረወ እለ ነብረ ዲብ ትብሌዕ ሀመ ሀም ድራሰት ሌጠ ወኢገብኤ። እሊ ክራም ሓስድ ኖስናመ መወኢከፊናሁ።”

ብዕድ ነፈር አወላይት ደውረት ክድመት ወጠን መለሆ ኤፍሬም ተኽሌ ደብረጼን ምን ክፈል ዴሽ 18 ሀዬ ክእነ ብህልቱ

“ምጽላል ገብራይ ሰልፍ እዘን ክም ትደመዐ ቤት እግል ተአቅብል ለትከረዐ ሐቱመ የዐለት። ጅረሐ ክም ምስምስ እግል ትነፈዕ እቡ ላኪን ኢሐዘት። ለእግሉ ትብገሰት ሀደፍ ምን እዘን ወኬን አርወሐታመ እግል ተሀብ እሉ ሐሬት። እት ሰጅል ፍራስ ምሔርበት ሀዬ ስሜተ እብ ሕሽመት ትከተበት።”

\*\*\* ተመት\*\*\*

## ገሌ ምን አምረት ዕልም ነፍስ እብ ሰበት አንሳት ለልቡሉ

አፍካር፡ መንበረት ወመፋሂም አዳም ምስል ዲብ ነብር አድሁይ፡ ዕበዶቱ፡ ለልትዐደየ ተሐድዶት . . . ለትፈናተ ምንማቱ፡ ገሌ ሀዬ እት ክልነ ውላድ ኣደሚ ለሸቄ ገብእ። ከደለ እንረክቡ መዕሉማት ክሉ አማን እምን አው ምንኬት ለአለቡ ክለሱቱ እግል ኒበሉ ምንመ ዶእንቀድር፡ እት ረአሰ ልብነ ልብ እግል ልወሰከነ ቀድር ምን እንቤ፡ እለን ተልየ እት ሐቃይቅ ዕልም ነፍስ (psychological facts) ለረክብናህን መዕሉማት ጀበእ ንብለኩም።

- አንሳይት ትግቢተ ትደግም እክ እት ሀሌት፡ መስአለተ እግል ትባሌሕ እለ ኢኮን ለትጸበረክ አውመ ለትሰኢ ምንከ። ሚ ደአም፡ እዘን እንዴ ከፊክ ወሕሰር ታምም እንዴ ሀብካህ እግል ትሰመዕ ምናቱ ለትደግም እከ። ከእንተ “እሊ ሀዬ ሚቱ አፎ እለ ወእለ ኢወዳኪ” እንዴ ትቤ እት ሐል ለትብሉ ኢትባደር እለ። አወል ሰኒ ሰመዕ ምኑ ሰኒ ሕሱር እብ ክም ሀሌክ እብ ዐመል አርእየ። እለ ሰልፍ ክሉ እግል ቲደየ እለ ለትሰእየ ምንክ መርሀየተ።

- ወለት ትሰአለተክ ምን ገብእ ለእለ ተአምር አማን አሰእለ። እግልሚ፡ በሊሉ እት ተአምር እግል ትሰአለክ ክም ትቀድር እት ልብክ ደየ። እግል ትሰመድ ወትጠላውሽ ለትወድየ ጀርቤ እት ሚዛን እግል ትክፊነቱ።

- ዕምር እንዴ ኢከሰስ ሐጀት ሐዳስ መትዐላም እግል ዛክረት ለአትሐድሰ ወሐንገል ደቅብ ሐዲስ ክም ወሰክ ወድዩ። ሐቆ ሺብ ወመትጨራማቱ ገድም ምህሮ ሚ ሀለ እንዴ ትብይ ነፍሰኪ ኢተትሓምቂ። አሰክ ዲብ እብርመ ሓጀት ሐዳስ እግል ትትዐለሚ ትቀድሪ ወእለ እግል ሐዶትኪ ጠዕም ለሀይቤ ፈቃዲትኪ ለአትሐይስ ወአፍካርኪ ለአበቄዕ።

- አንሳት ቀራር እት ንሰአት ምን ናይ ሰብ ተብዕን እክር ልብለ። ምናተ ሐቱ ዶል ጎማተን እንዴ በትከየ ቀራር ክም ነሰአዩ፡ ሐረግራግ አለቡ። እት ቀራረን ሳብታት ተን ልትባህል።



## ዐቂብ ገማል ወሐዋናት ከደን


ዓንደም ግርማይ (ወዲ-ደረሰ)

ወጠንያይት ሕዝቦት ኤረትርያ፡ ክም ፍክረት እት መደት እስትዕማር እንግሊዝ እት ሰነት 1949 አንበተት። እት ፍዕል እንዴ ኢትውዕል ህዩ ፈደሬሽን ዐረ እቡ። ዐሚም አንዝመት ኡቶብዩ - ናይ ሀይሌስላሴ ወመንግስቱ ተለ። ምኑ ወሐር ንዓል መሪር እግል ሕርየት ኤረትርያ ገብኦ። ወእብሊ አስክ መደት ሕርየት ወጠንያይት ሕዝቦት እት መዓል እንዴ ኢትውዕል ሕርየት ዓረት።

ሐቆ ሕርየት፡ ሕኩመት ኤረትርያ እግላ እት 1949 ፋግር ለዐለ ቀራር ቀተሪ ሕሰር ውቁል እንዴ ሀቡ። እት ፈዓልየቱ ትበገሰት። እብ ፍንቱይ ህዩ ገቢብ ዕጩ እብ መስተዕምረት፡ ጀሐር፡ ሐርብ ወክል ነሲባት እት ልክህሎ አስክ መደት ሕርየት ለጸንሐው ተረርፍ ዕጩይን ወሐዋናት ከደን። እለ ሕዝቦት እግል ትትሻፈግ እሎም ትቀረረ። ምን ሰነት 1995-1997 ህዩ እግል ወጠንያይት ሕዝቦት ለገብእ አራዲ ሕፍዝ ወታያን ገብኦ እቱ።

እት መደት ለሀ፡ ‘እግል ሕዘዕ ነፌዕ’ ለትበህለ አራዲ መብዝሐ ዲብ አቅሊም ጋሽበርኩ፡ ሐድ ህዩ እት አቃሊም ቅብለት በሐር ቀየሕ፡ ግብለት በሐር ቀየሕ ወዐንሰቡ፡ እብ ዓመት 12 አካን ትሌለየ። እት አቅሊም ዐንሰበ ገለብ (አጀነዳ)፡ እት አቅሊም ጋሽ በርከ ቀተሪ ሐረምዝ እት ሽልሻላይ፡ ድጌ ወክርከበት፡ እት አቅሊም ቅብለት በሐር ቀየሕ ቡሬ ወአይሮራ፡ እት ግብለት በሐር ቀየሕ ህዩ፡ በርዕሶሌ ...፡ ገሌ ምን ለትሐረ አካናት ዐለ።

ሰብ መትሸታት ወመትረባሽ ሐዋናት ከደን፡ ኢህለዮት ናይለ እቱ ሰክኖ ዕጩይ ቱ። ማይ ሐቆ ኢህለ አርወሐት ኢህሌት። ዕጩይ ሐቆ ኢህለ ህዩ ለብዕዳም ሐዋናት እግል ለህሉ ኢቀድሮ። ሀደፍ አሰሶት ወጠንያይት ሕዝቦት ህዩ፡ ዐቂብ ዕጩይ ወሐዋናት ከደን ቱ። እትሊ መጃል፡ “እለ ወጠንያይት ሕዝቦት ምን ተአሰተብዴ ሐዘተ



ሾከን ኤረትርያ

ከአፎ ህሌት?” ለልብል ሰአል በሊሰ እግል ልርኩብ ወጅቡ። እብ አሳስ ሐብሬ ምን በዐል ሰልጠት ዐቂብ ዕጩይ ወሐዋናት ከደን መስኡል ቅስም ዐቂብ ሐዋናት ከደን አሰይድ ፍጹም ሐገሱ፡ ዕጩይ እንዴ በቅሉ፡ ሐዋን ከደን ኩሉ መሳክቡ ወነብራሁ ክም ረክበ ወዴሕ።

ወጠንያት ሕዝቦት ለገብእ አማክን ፍፋግ ሀለ። አዜ ከአፎ ህለ፡ ወኩሉ መዋመጦር ገምል ወልትጠወር ህለ ማሚ? ለልብል ሰአልመ ርእየቱ ምህመት ቱ። እተ ሐልፈ ሰኖታት፡ እት አርበዕ ምን ተሐረ አካናት፡ ሕዝቦት ግብለታይ ወቅብለታይ መሻብብ በሐር፡ ጋሽ-ሰቲት፡ ደህላክ፡ ቡሬ ወአይሮራ፡ እብ አሳሰለ ገብኦ ሕፍዝ፡ ሰእየት ለትህይብ በርከት ሐዋናት ከደን ክም ተአከደት።



ሐርማዝ እት ጋሽብርከ

ዝያደትለ አካናት ብዕድ ክም ትሸቀ ዲቦም አሰይድ ፍጹም ለአፍህም።

ምን እለ ፊራሮ ገማል ወእንሰር፡ እት በርከት ሐዋናት ከደን ምን ገብእ ወዕጩይ ዐውቱ ርክብት ክም ህሌት ልትቀየም። እተ ሐልፈት መደት ቅሩብ፡ እለ ገማል እበ ከሰስ ምሮት ሽሬሕ ሕበር ናይ ሀይኦት ዐቂብ ርዝቅ ሐዋናት ከደን ወዕጩይ ወውዛረት ሐርስ ፋግር ዐለ።

ክምሰልሁመ ምን ገብእ፡ እለ ፍገሪት ሰኔት እት ዐቂብ ሐዋናት ከደን፡ መጦርለ ሰርገለ ተሐድያታመ ቀሊል ኢዐለ። እግል አርሐቦት ምድር ሐርስ ለልትገብብ ዕጩይ ሐቱ ምን መሐለኪት ዐለት ወህሌት። ዌራይ ዕጩይ ክም ቡን ጥልያን ወተመር ሙሳመ እተ ክምሰልህ። ክም ሳልሳይ ህዩ፡ እት ፍንጌ ሐረምዝ ወሐረሰቶት ለገብእ በኣስ ቱ። እብሊ ደግሸ ህዩ ክል ሰነት ምን 2-3 ሐርማዝ ልትቀተሎ። “ሐረምዝ ለልትረዔ እቱ ምድር ፍንቱይ አርሐቦት፡ ቅታል ሐረምዝ እግል ኢለህሌ

መትጸጋም ገሌ ምን አብሳር ሕሉል ቱ” ልብል አሰይድ ፍጹም።

እለ ፊራሮ ገማል እት ዐውቱ እግል ትብጸሕ፡ ሽዑብ ምልክየትለ ቀተሪ ሐዋናት እንዴ አመረ ዶል ልትዓወን ቱ። ለፊራሮ ገማል ሽዑብ ወሕኩመት ሕበር ብጉሳም ዲበ ሰበት ህለው ምን ወክድ እት ወክድ ዲብ ትጠወር ትመጽእ ህሌት። ሐዋናት በዜሕ ወዕጩይመ ዘይድ ሀለ።

ኤረትርያ ሐቱ ምን ዝላም ለአለቡ አምዳር ዐለም ምንማተ፡ እለ ጀሐር እለ እንዴ ከህለው ለነብሮ ዲበ ሐዋናት እቦም ላኪን ታጅረት ቱ። ገሌ ምኖም ህዩ እብ ደረጀት ዐለም፡ እት አፍ ሰሪት ባጽሓም ለህለው ቶም። ሐብሬ እድንያይት መነዝመት ዐቂብ ሕያዖም እተ እንዴ አተንኩበኝ፡ ሀለዮት

ሐዋናት ከደን እብ ዋዴሕ ለልትፈረግ እቡ አግቡይ እግል ልትባሰር፡ እሰልፍ፡ ቅሩብ ሰሪት ለህለው፡ እት ሸበህ ደረጀት ለህለው ወዲብ ሓለት ሰኔት ለህከው እንዴ ትበህለው እት ሰለሰ ደረጀት እንዴ ካፈልክ እግል ልትረእው ቀድሮ።

ኤረትርያ፡ ሀለዮት ሐዋናት እት ለትደሀረት ደረጀት ዲብ ህላ ቱ። እትለ ፊራሮ ገማል እንዴ ትከሰኣት ዐቂብ ሐዋናት ከደን እግል ተአድምን ትትጸገም ለህሌት። ሕኩመት እብ ፍንቱይ ዲብለ ቅሩብ ሰሪት ለህለ ሐዋናት ከደን እብ ሕሰር ውቁል እት ዐቂቡ ትትሳሰዔ ህሌት። አዱግ ከደን፡ ሐረምዝ፡ ገተእ አው ሾከን ኤረትርያ፡ ዔው ወእሉ መሰል ሐዋናት ከደን፡ ምን ኩለ እዲን ኩሉ ረኣሱ እግል ኢልሰረት ፈርሀት ካልቅ ለህለ ሐዋናት ቱ። እት ዐድኑ፡ እለ ሐዋናት እለ እብ ሽዑብ ወዴሽ እበ ገብኦ ጸገም እት ሓለት ሰኔት ክም ህለ አሰይድ ፍጹም ወዴሕ።

እት ኤረትርያ እምበል ሀቡይ፡

ኩሎም ሐዋናት ከደን ዐድኑ እት ደረጀት ሰሪት ለበጽሐው ዲቡ አውካድ ሓልፍ ቱ። እግል አበርካቶም እበ ገብኦ ሽቅል ሕበር ዴሽ ወሽዑብ ላኪን፡ አዜ እት ለተአትናይት ደረጀት ክም ህለው እኩድ ሀለ። ለበዝሐ ሐዋናት ከደን በንበን፡ እብ ሐሽም ወዕሽል ልትሐረት ህለው። እት ሰሜናዊ በሕሪ (ሸማል በሕሪ) ዶል ተአትቃምት፡ ሐሽምት ናይ ሐረውያታት፡ ሀቡይ፡ ወዓጊ፡ ነላት፡ ውበዕድ ሐዋናት ትርኤ። እለ ህዩ ሐዋናት ከድን ዐድኑ ክም በዲሩ ለአቀብል ክምሰል ህለ ሰመዕ በሲር ቱ።

ምን እለ ለሀደግናሁ ሐዋናት ገታእ (ጅንሰ ምን አራባት)፡ አድግ-ከደን፡ ሾከን ኤረትርያ፡ ዔው፡ ሐርማዝ እብ ደረጀት እዲን ምን ልትከለስ

ለህለ ሐዋናት ቱ። ኤረትየ ላኪን ለበዝሐ ጅን ገተእ ወሽወክን ለብእተ ደውለት ቱ።

ቀደም እለ እት አሰማይ ሐዋናት ከደን ዐድኑ ለይዐለው፡ አዜ ላኪን ሀለዮቶም ለትአከደ ሐዋናት ክም ህለው ለሐበረ አሰይድ ፍጹም፡ እት ኔብረት ማይ ወምድር ላቶም ሐዋናት፡ ጋብሌ ማይ ጥዑም ክም ህለ መሰል ለሀይብ። እለ ጋብሌ ማይ ጥዑም እት ኤረትርትየ ሐቆ 1868 ባዲ ዐለ። በዐል ሰልጠት ርዝቅ ሐዋናት ከደን ወዕጩይ ምሰል ጃምዐት ካሊፎርንዮ-አሜሪካ እንዴ ተዓወኑ፡ ቀደም ሐምስ ሰነት እበ ወደዩ ሕፍዝ፡ ጋብሌ ማይ ጥዑም ክም ህለ አከደ። እት ኩሉ ምድር ኤረትርያ እስሕቡብ ክም ህላመ ለሕፍዝ ወዴሕ። እምበል ዲብ ኤረትርያ እለ ጋብሌ እለ እት ካልእ ድወል ቢታተን ኢህለ። እምበልሁመ 11 ጅንሰ ሌ'መት ርኩባም ህለው።

ምን እለ እግል ንፍሀመ ለእንቀድር፡ ኤረትየ ሕፍዝ ብዙሕ ገብኦ ዲበ ምን ገብእ፡



መሰኡል ርዝቅ ሐዋን ከደን አሰይድ ፍጹም ሓገስ

መሰከብ ለኢትአመረ መክሉቃት እግል ትግበእ ክም ትቀድር ቱ። ኤረትርያ እብ አጅናስ ሰራይርመ ሰኒ ታጅረት ቱ። እለ ለገብኦ እቡ ሰብ ህዩ፡ ዲበ አግደ ገበይ ህጅረት ሰራይር አስክ ምፍጋር ጸሓይ አፍሪቀ ሰበት ህሌት ቱ። እብሊ ህዩ፡ ለትፈናተ ሰራይር ምን ወአስክ አርብ ወአፍሪቀ እት ለአትቃብል፡ ዲብ ኤረትርያ ቱ ለልዓርፍ። አስክ እለ እበ ገብኦ ሕፍዝ ህዩ፡ እት ኤረትትየ ቅያስ 620 ለገብእ አጅናስ ሰራይር ክም ህለ ተአመረ። እለ ዕልብ እለ ምሰል እት ኩለ አርብ ለህለ 700 ለገብእ አጅናስ ሰራይር እት ልትመጣወር፡ ኤረትርያ ምሰል እት ኩለ አርብ ለህለ ሰራይር ለልትቃረብ ዕልብ አጅናስ ሰራይር ትመልክ።

ሕኩመት ኤረትትየ እግል ዐቂብ ሐዋናት ከደን ወድበዕ ለአፍገረቱ አዋጅ 55/2006፡ እትለ ፊራሮ ገማል ፈዓልየቱ እብ ዐመል ትረኡት። እለ አዋጅ እለ፡ ለገብኦ ነፈር ሐዋን ከደን እግል ልጽበዋ ወልትነዔ እብ ቃኑን ምኖዕ ክም ቱ ወዴሕ። እምበልሁመ እብ በዐል ሰልጠት ርዝቅ ሐዋናት ከደን እግል ተዕቢኣት ለነፌዕ እብ ፖስተራት፡ ክቱብ፡ ሰወር እንዴ ትዳለ እት ልትወዘዕ፡ ወሳኔል እዕላም እት ሰድዩ፡ እት አትፋዝያት ሽቅል ሰኒ ክም ትሸቀ ለልሐብር አሰይድ ፍጹም፡ መዋመጦሩመ፡ ዔቅበት ርዝቅ ዕጩይ ወሐዋናት ከደን እንዴ ከሰኡ፡ ሽዑብ ምልክየት እለ ርዝቁ እግል ትሰበቅ ዲቡ፡ መሻረከት ዴሽመ እግል ቲዚድ፡ እት ኩሉ አሸቃል ገማል ለሸቁ ሰብ ምህንት ወመኢትነት ቃኑን ክም ህለው ወዴሕ።

አሰይድ ፍጹም ሓገስ እት መስተቅበል ሕሱብ ለህለ በራምጅ እት ለአስኦል፡ እት ዐቂብ ለትቀተረ ወጠንያይ ሕዝኣት መጅተመዕ ለአሳሱ ዐቂብ እግል ለህሌ፡ እግል ሕዝኣት ለትሐረ አራዲ ኩሉ ናይ ደንገበ ሽክሉ እግል ልጽበዋ፡ ወሽዑብ ወዴሽመ እት ዐቂብ ሐዋናቱ ወዕጩይ መጦር በዐል ሰልጠት ዐቂብ ርዝቅ ሐዋን ወዕጩይ ክምሰልሁመ ውዛረት ሐርስ እግል ልትዐደቀ ምክሩ ለሀይብ።



# ሸባብ

ዶ/ር ዑመር ዑሰማን



ክሉ ወቅት ወገኑ ለገላት አካን ምህም ክፋል ወዳጃት ናይ ምጅተመዕ ሻብ ቱ። ሰበት እሊ፡ ትሩድ፡ ዕጹም ወግል ሽቅል ዱሉይ፡ በዐል ሰኔት ሰኣየት፡ መሰል ምጅተመዕ፡ ተዐብኩ ለኢልብል ወምን ሻከት ዕልም ወምህነት እንዴ ሰተ ለኢጸግብ፡ እግል ሽዐቡ ወደውልውቱ ለተሰበለ ሻብ ለብእቱ መጅተመዕ እት ገበይ ተጠውር ህለ እግል ቲበል ትቀደር። ክም እሊ ሻብ ላኪን እብ ቀሊል ለመጸእ ኢኮን። ብዙሕ ካድም እምበል መትሐላል ወምለዐል ክሉ ህዩ ኣደብ ወተርብየት ነፍስ ለቡ እግል ልግበእ ለአተሐዘ።

ተርብየት ነፍስ በህለት፡ እኪት ምን ሰኔት ወራትዐት ምን ከለዋ ለትፈንቱ ገበይ ሐያት ህለዮት ወነፍሰክ እንዴ ከረዐክ እብል ገበይ እለ እግል ቲጊስ ቀዲር በህለት ቱ። ወድ ኣዳም ብዙሕ ወቅት፡ ወድቅ ወፈሽል ወኢመትዐዋት ሳድፋ፡ እሊ ሌጠ እንዴ ኢገብእ ላኪን ቀንጽ ወልትዐውት። እትሊ ወቅት እሊቱ ህዩ ፈርግ ፍንጌ መትዐዋት ወፈሽል ለደርሱ። ተርብየት ነፍስ እኪት ምን ሰኔት ወራትዐት ምን ከለዋ ፈንቱ። ማርኩስ ኦሪሉየስ ተርብየት ነፍስ እት ክሉ ክፋል ናይ ሐያት ምህምተ። ተርብየት ነፍስ ሐቕ ኢህሌት፡ ካድም ሐር ለቀብል፡ ጀርቤታት ኣሰክ ዐውቱ ልውሐድ፡ እት መግጽሕክ እብ ዶሉ ኢትብጸሕ፡ ለትበገስ ሽቅል እት ወቅቱ ኢተምም፡ በራምጅክ እተ ተሸቄ ህሌክ መሰሰት ሐር ለቀብል ወእት ዶሉ ኢተምም። እብ ድድ ናይ እሊ ህዩ ኣደብ ወተርብየት ነፍስ ለቡ ነፈር ክሉ ህቱ ለሻረክ እቱ ሽቅል ዕውት ገብእ ወጸሩ ቀደም ለሄር። ዎሮ ነፈር እምበል ተርብየት ነፍስ እግል ልንብር ቀድር። ላኪን እምበል ተርብየት ነፍሱ ራትዐት ሐያት እግል ልሳይር ላተ ክቡድቱ።

ተርብየት ነፍስ ለቡ ነፈር ፋርሕ እት እንቱ ነብር። ብዙሕ ወቅት ወድ ኣዳም፡ ሐዲስ በርናምጅ እግል ለአፍግር፡ ሐዲስ

አግቡይ ሽቅል ወፍክርያት እግል ለአምጽእ፡ ሐዳይስ መግጸሕ እግል ለአትበገስ ወእተ ክምስለሁ ሐዲስ ምስንዮት እግል ለአንብቶ ጀርቤታት ወዴ። እትሊ ክሉ እግል ልትዐውት ላኪን ተርብየት ነፍስ ምህምቱ። ሰርም ኣንፋር ክል ዶል በራምጅ ለአፍግር፡ ልግበእ ደአም እብ መትሰባል ሰበት ኢሸቄ እቶም ሐቕ ሐጪር ወቅት ሰኣየት በትኮ። ዮም ግል ልውደወ ለቦም ግል ፈጅር ለሓሉፈ። ነፍሶም እንዴ ጀብረው እብል ለአፍገረወ በርናምጅ እግል ሊጊሶ ኢቀድር። ምዕልክ ህዩ ሐዲስ በርናምጅ እት ለአፈግሮ ወነፍሶም እት ቀሾ ነብር። እግል መሰል እሎም ኣንፋር፡ ክታብ እግል ልቅረኣ ለአንብቶ ወእንዴ ኢለአተሙሙ ሐዱጉ፡ ሻም ለአንብቶ እግል በዐል ሻም ለገብእ እሕትራም ወዋጅባት ሰበት ለአንቅሶ እት ገበይ ተርፎ፡ እትሊ ትበገሰው እቱ ሽቅል እት ወቅቶም ኢለአተሞ ወእሊ ክል ዶል ሽቅል ቀይሮ ወፈርሐት እት ረይም ምናም ትገይሱ። ምን ለወደወ ኣክላግት ሰበት ኢደርሶ ዮም ለወደወ ከለዋ ፈጅር ደጉመ። እምር ወራትዐት ማርሒት ሐያት ላተ ገበይ ሰበት ኣለቦም በደል መስኡሊን ናይል አፍገረወ በራምጅ ገብኦ፡ ክሉ ወቅት ኣክለ ምን በራምጅም ሐቴክ ወቅተ ተመ ልትሻቀሎ ወልትረበሾ። ክሉ ወቅት እብ ናዮም ፍክርያት ወበርናምጅ ሰበት ኢገይሶ ጸርም ወጀማዐቶም ለወደወ ወዱ ወህቶም ለጌሰው እበ ገይሶ። እብሊ ሰብብ እሊ ህዩ ሐር እት ለበልሶም ወለፍ ወብዕድ ሐጃት ልትፈረር።

ዎሮ ላብብ ነፈር ሐቱ ዶል ክእነ ብህልቱ። “መትጀናን በህለት ክሉ ወቅት ሐቱ ዐይነት ሽቅል እት ሸቄ ብዕደት ፍግሪት መትጸባርቱ” ቤለ። ምን እለ መሰል ለእንደርስ ምን ተህሌ ክል ዶል ተቀዩር እግል ነአምጸእ እብ ፍንቲት ገበይ ንሸቄ ወእለ እግል ንውዴ ህዩ ተርብየት ነፍስ ተህሌ እግል።

## ተርብየት ነፍስ

ክሉ ወቅት ተርብየት ነፍስ ወአደብ እግል ለአፍገርካህ በርናምጅ እብ ዶሉ እግል ተአትምም ሰዴከ። ክልን ተርብየት ነፍስ ምን ብክ ዮም ዓኢለትነ፡ ሽዐብነ፡ ደውለትነ እብ ዕሙማይ እድንዩ እት ምለዐለ ለህሌተ ወትረከበት። ተርብየት ነፍስ ምን በረ እንዴ ኢትገብእ ምን ጀውትናቱ ለትትበገስ ወተርብየት ነፍስ ህዩ ምስልነ ለትትወለድ እንዴ ኢትግበእ ምን ዋልዴንነ፡ ዐባዩ፡ ምክር ምድርሲነ፡ ቅራኣት ወብዕድ እግል ንድረስ እንቀድር። ሐቱ ድግም ናይ ዎሮ ደህብ ሸቄ ለዐለ ነፈር ህሌት፡ ለነፈር

ደህብ እግል ልርኩብ ላሊ ወአምዕል ለሐፍር ነብረ። ሐቕ ብዙሕ ወቅት ላኪን ሰኣየት ሰበት በትክ ለሐፊር ኣዝመ ምኑ። ምናተ ለደህብ ምን ህቱ ለበጥረ እተ አካን አመት ለተገብእ ሌጠ ዐለ። ሐቕ እላቱ ህዩ “ዕውታም ኣንፋር ኣክር እንዴ ኢበጽሐው ኢበጥሮ ወለ እት ገበይ ለበጥሮ ህዩ ኢልትዐውቶ” ለትበህሉ። ተርብየት ነፍስ ለቦም ኣንፋር ሚ ክም ወዱ ወእብ ከአፎ ወድወ ሰበት ለአምሮ ሓለት ለአኬት ምን ተአኬ ምን ሄራሮም ሐር ኢለአቀብሎ። እት ሐያት ወለትበገስ እቱ ሽቅል እግል

ንትዐውት ተርብየት ነፍስ ተረተ ዐባይተ። ተርብየት ነፍስ ለቡ ነፈር ለእት ቀደሙ ህለ ሽቅል እብ ከፎ ልትዐውት እቱ ለሐሰብ ወፈክር። ለቤለዩ ወዴ። ለትበገስ እቱ ሽቅል እለ ከብደ ምን ከብድ ዐውል እግል ልድፈዕ እሉ ዱሉይቱ። ዝያድ ክሉ ህዩ ለኢወድዩ ሓጀት እግል እውደያቱ ኢልብል። እብ ዕሙማይ ዶል እንረኤ ህዩ ፍንጌ ዕውታም ወፋሽላም ለህለ ፈርግ ተርብየት ነፍሱቱ። ሰበት እሊ እግል ንትዐውት ወንፍረሕ ኣደብ ወተርብየት ነፍስ እግል ለህሌ እግልን ንክደም።

## ሽክል ገሮብነ ከፎ ነአሰኔ

ግሩም ሽክል ገሮብ ለልትበህል፡ እት ትበጥር አው ትትገሴ እቱ ወቅት፡ እምበል፡ መትዓናን ወወጀዕ፡ ትክ ለቤለ፡ መባትክ ገሮብ ሃለዮት ቱ። ግሩም መባትክ ገሮብ ህለዮት፡ እት ግርመት መባትክን ሌጣ እንዴ ኢገብእ፡ ክም ዐቤነ ወጀዕ ዓዳት ክም ኢለህሌ እነ እት ወድየት ተረቱ ዓባይ ቱ። ከእተ እንሸቄ፡ ንትገሴ፡ ለገአ ዓፍሸ እተ እንረፈዕ እቱ ወቅት፡ ነፍሰንነ ግሩም፡ ወለትመሳወ መባትክ ለቡ ሽክል ክም ለህሌ እለ ሐቕ ኢውዴነ፡ ምስል ዕምር ወጀዕ ወሕማም ዓጭሞታት እግል ለአምጽእ እትነ ቀድር። ከሸባብ ግሩም መባትክ ገሮብ እግል ለህሌ እግልን እለን ለተልዩ ንቀጥ እብ ዋጅብ ንውዴ።

1. እተ ንትገሴ፡ እንገይስ አው እንበጥር እቱ ወቅት ዓዳትነ ኢንዕጸፍ። ክእኒ ዓይነት ዐጸፍ፡ እት ዓጭም ዓዳትነ፡ ኢመትመሳዋይ ቅድረት ገሮብ ሰበት ወዴ እቱ፡ ናይ ዓዳት መሻክል እግል ንጠውር እንቀድር። ሰበት እሊ እትሊ ገአ ወቅት ዓዳትነ ትክ እንዴ አበልነ ወአትመሳዋይ ከፍ ኒበል።
2. እት ምግብ ሽቅል ዕርፍ



ራቴዕ ግሳይ

ንንሰእ። ሽቅልን ምስል ኮምፒተራት ወለመሰሉ እት ጣውለት ከፍ እንዴ ቤልክ ለልትሸቄ ሐቕ ገብኦ፡ ምስል ወቅት ናይ ስጋድ ወዴዳት መሻክል እግል ንጠውር እንቀድር፡ ሰበት እሊ እት ክም እሊ ሽቅል ለህሌነ ኣንፋር፡ እት ክል ሳዓት ዕርፍ እት እንሰእ፡ ዓፍየት ገሮብን ንራቅብ።

3. እዘነ ምስል፡ ፎቓይነ፡ ወዴዳትነ፡ እት ዎሮ ሸጥር አው ኣክልሕድ ትክ ለቤለው እግል



ልግበኦ ቦም። ክእኒ ሽክል መባትክ ገሮብ እት ክለ ሐያትነ እግል ንጀርቡ ብነ። ሰበቡ እሊ ዓይነት መባትክ ገሮብ ለሒስ ወክልና እግል ንተለዩ ለብነ መባትክ ገሮብ ሰበት ገብኦ። ለገአ ኢመትመሳዋይ ገሮብ ሐቕ ሳደፈነ ህዩ፡ ዓዳትነ እት ብነ እንዴ ኣጸገዐነ፡ እዘነ፡ ፎቓይነ ወዴዳትነ እት ዎሮ ሰፍ/ሴር ክም ህለው ነክድ።

4. ከፍ እተ ትብል እቱ ወቅት፡ ዓዳትክ ኢትዕጸፍ ትክ በል። ክእኒ ዐይነት መትገሳይ፡ እተ እንገይስ ወእብ ብጣርነ እንገብእ እቱ ወቅት ተረቱ ዐባይ ቱ። ሰበት እሊ ክል ዶል ትክ ለቤለ መባትክ ገሮብ ክም ለህሌ እነ እግል ንውዴ ወጅብ።
5. ለንትገሴ እቱ ክርሲ እግል ስጋድነ፡ ዓዳትነ መትኸብ ለቡ፡ ወትክ እንዴ አበለ እግል ለአትገሴነ ለቀድር ልግበኦ። እሊ ሌጠ እንዴ ኢገብእ እግል ረዩም ወቅት እብ መንኪነት እተ እንሳፍር እቱ ወቅት

ለእቱ ህሌነ ክርሲ ምስልነ ለልትሳኔ፡ ወእት መባትክ ገሮብን መሻክል ክም ኢለአመጽእ እግል ነአክድ ብነ።

6. ርያደት ወዴ፡ ርያደት ወመትሓራክ ገሮብ ወድየት እምበል እት ዕሙማይ ዓፍየትነ ለቡተ ዐባይ ተረት፡ ግሩም ሽክል ወምኣባትክ ገሮብ ክም ለህሌ እነ እት ወድየትመ ተረቱ ዐባይ ቱ።
7. ለእንበልዕ ነብረ ለትመሳዋይ፡ ወመቀዝያት ለብ ትግበእ፡ ሰበቡ ዓጭሞታትነ ግሩም ሽክል እግል ልጽብሞ፡ ለከፊ መዓድናት እግል ልርኩቦ ቦም።
8. ክቡድ ጸር እተ እንረፈዕ እቱ ወቅት ምን ቅድረትነ ወለዐል ክም ኢኮን ነክድ። ወዓደድ ቅድረትነ ንርፈዕ። እሊ ሌጣ እንዴ ኢገበእ ክቡድ ጸር እተ እንረፈዕ እት ወቅት ሚዛን ነፍሰነ ኣክል ሕድ ክም ህለ ንኣክድ።
9. እት ዓዳትነ ልግበኦ መብዕድ እት መባትክን ተረት ልቡ ክፋል ገሮብነ ወጃዕ ሐቕ ትሰመዴነ፡ እት ሐኪም ኒጊስ ወቴለል ዓፍየትነ ንድሌ።

### አምሳላት ሻም

- ሐቕ ፈቴክ ወትፈቴክ ጸሓይ እብ ክልአት ጀፈረ ተምተሞት ኑ። ዴቪድ ቪስት
- ፍቲ እት ነሰእ እንዴ ኢገብእ እት ህዩብ ቱ ለትትረከብ። ዊልያም ስሎኦን
- እት ቀበት ሻም ትሩድ ክልዶል ዐጃይብ ህለ። ዊልው ካተር



## ክብርነ

### ብዕራይ ወዐንጼየት

ሐቲ መደት ምሮት ሰኒ ገዜፍ ላቲ ብዕራይ እት ዐድ ሐቲ ነብር ዐለ። ለዐድ እት ጠረፍ ናይ ሐቲ ዐባይ መራት ትትረከብ ዐለት። ሐቲ ምዕል ለብዕራይ ክም ጸምኣ ማይ እግል ልስቲ አሰክለ መራት ትብገሰ።

ዲብለ ዐድ ዐንጼየት ኒኢሸቲት ትነብር ዐለት። ዐንጼየት እትለ ባክለ መራት እንዴ ትገሴት ጸሓይ ትጻሌ ዐለት። ለብዕራይ ማይ እተ ሱቲ እቱ ዐለ ወቅት እግለ ዐንጼየት እተ ዘነበ ኬደየ። ዐንጼየት ምን ክትርለ መጺጸት እት ወይጭ አንበተት። ወሐር ለብዕራይ እግሩ ክም ሀረሰ ምን ምን አቅመተት ለዘነበ ተማም እንዴ ተሃጨቀ ጸንሐየ። እሊ ግሉል ብዕራይ ዘነብዩ ሃጭቅ ሀለ። ደሐንቲ አሰክ መይት እግል እንክሹቲ ትቤ። ወብት እትለ ዔጻትለ ብዕራይ እንዴ ትቤ እበ ባቂዕ አንጃበ እት ነክሹ አስተብዴት። ለብዕራይ ሐቲመ እብ መጺጸት ኢሸዕሪ። ወኖሱ ዐንጼየት እት ዔጻቲ ፋግረት ክም ሀሌት ዓለመ ይዐለ።

ሐቆ ገሌ ወቅት ዐንጼየት ምን ነኪሸ ሰበት ተዕበት። ወለጉብኦ ልግበእ ረድ ፍዕል ሰበት ሰእነት። ብት እንዴ ትቤ ምን ረአሰለ ብዕራይ እተ ምድር ትከሬት። ወምን ቀደም እንዴ ከርፈቱ ገበይ ክልኦቲ። ብዕራይ ህዩ እግለ ዐንጼየት እንዴ አቅመተየ ትሰእለየ፣ “እንቲ አፎ ገበይ ክልኦኪ፤ ለገበዩ አወልጢ ምን ወእለ ለትሰረረት እግል ህጭቀኪቱ” ቤለየ።

ዐንጼየት ሰኒ ሓርቀት እት እንተ “ከምን እለ ወኪን ሚ እግል ቲዴኒቱ” ቲለቲ። ወእግለ ብዕራይ ለህጨቅ ዐለ ዘነበ እንዴ አርኤቲ፣ “አናመ እተ ዔጣትክ እንዴ ፈገርኩ። ምን ገሮብክ ኦካን እለ ኢነክሸኮ ይሐደግኩ። ቅሩብ ኢመጸጽከ?” ቲለቲ።

ብዕራይ እሊ ክም ሰምዐ አመተ የዐለት እሉ ጉብኦት እቲ። ከእት ልትሰሐቅ ክምእነ እት ልብል በልሰ፣ “እብ አማን ኦነ ለዘነብኪ ኬድክዎ። ወእንቲመ እት ክሉ ገሮብዩ ነክሸኪኒ?” እሊ ክሉ ልብመ ኢከሬት እቲ። ከእሊ እሉ ትደግሚ ህሌኪ ኩሉ አማን ጉብኦ ምን ጉብኦ። ብሕል በሊ እዩ። ኢትጽብጢ እፔ!” ቤለየ።

ዐንጼየት እለ ሂጋለ ብዕራይ ክም ሰምዐት ለእለ ትብል ሰእነት። ወምስል ነፍሰ እት ትተራቀም። “ምስል እሊ ሔዋን ዕኩክ ቀርቡቲ መትሃጋይ ፋእደት ለአለቡ መክሐደ ቱ” ትቤ። ወምን ቅዖስ ወለዐል ረሐ ኦብዩቱ ዲብ እንተ ወእብ መጺጸት እት ትትለዋሌ አሰክ ቤተ ጌሰት።

ከምስል ግሉል ለትወድየ መክሐደ ክል ዶል ምንፈዐት ክም አለበ እግል ተአምር ለአትሐዜ።

## በህል እመራም

አል ሻፍዲ፣ ምሮት ምን ዕለመ ናይ እሰላም ቱ ከእሊ ተሌ ገሌ ምን መግልሱ ቱ

□ ማይ ብሩድ ምን ምርወትዬ ገሌ ክም ለአነቅሰ ኣምር ምን ዐሌ። ማይ ሕፋን ሌጠ ወሰቲኮ ዐልኩ።

□ እንዴ ትሰደደት ከዶል ለአክል ሕድ ሐለቃተ አትመመትተ ትፈረጀት...ኦነ ህዩ እላመ እንዴ ሐልፈት እት ሐቅህ ፈረጅ መጽእ መሰለኒ ይዐለ።

□ ከራይመ ሰገ ከራይ ኢትበሌዕ...ሕነ ህዩ ሕድ እት እንረኤ ሕድ እንበሌዕ።

□ እግል ሐሁ እብ ሱቱር ለመክረ ነስሐዩ፣ ወእብ ዕላናት ለመክረ ፈድሐዩ።

□ ገሮብክ ክም ጭፍርክ ለልሐክኩ እግልክ ይህሊ...ከክሉም እመርክ ኖሰክ ሌጠ ትብገስ እቶም።

□ ሐው ዶል ዐለብካሆም ሰኒ ብዝሓም ቶም...ምናተ እት ወቅት አማን እት መጦርክ ለበዋሮ ምናም ሰኒ ሐዳም ቶም።

□ ንሳልክ ዐውረት ብዕዳም ኢትዝከር እቡ...እንታመ ክለ ነፍሰክ ዐውረት እንተ ወላመ ብዕዳም ነሰሰል ሶም።

## ተበሰም



ምሮት እናስ ውሕር ቤት ትዛበ ወእተ ነክሰ። ሐር ምሮት ረማቅ እንዴ መጸ ባብ ዶል ከርከሐ እቲ። ህቱ ህዩ “የፍተሕ አለህ” ቤለዩ። ሐቅሁመ ካልኣይ ወሳልሳይ መጸወ። እግሎመ ነፍሰ

ለዘዐት እንዴ ደግመ እሎም ሳርሓዮም። ከእተ ባኩ ግሲት ለዐለት ወለቱ እተ እንዴ ትወለበ፣ “ያጀማዐ እሎም እትለ ኦካን ለህለው ሬምቀት አክል አዩ ብዝሓም ቶም!” ቤለ።

ህተ ህዩ፣ “ደሐንቲ ይቤ እንተ በስ እለ ለእለ ቲልካሆም ዘዐት ኢትጠልቅ ወእተ ተረድ እንዴኮን፣ ህቶም ልብዞሖ ወልውሐዶ ምሽክለት ኢኮን” ቲለቲ።

## አክል ሕድ ላቱ ሒራን ንሰእ። ሐቴክ እተ ዶለ

ለጉብኦ ኦዳም ለልትከሬ እተ ሐቲ ቀለዋ ላተ ፍክረት ህሌት። ዐውቲ ክልዶል መጦርነ ወእት ደንጎበ ህዩ ናይነ ናይ ኖሰነ ትመሰል እትነ። እብ ካልእ ሂጉ ሕነ ህቱ ለኢኮን ናይ ሐሶት እሕሳስ ለህሌ እግልነ ወእሊ ህዩ ኦሳሰ ሰበት ይዐለ እሉ ሐቲ ዶል ኬን ሬሚኑ። ወሐቆ እለ ሕነ በክት ናይ ዐውቲ ወለውቀት ክም አለብነ ሰበት ልትረኤነ ዲብ ቡቲክ ሰእየት ንትከሬ።

ዐውቲ ፍሬ ናይ አክል ሕድ ላቱ ሒራን ክምተ ዶል ትፍህም ለጋሪት መፋጀኦት ትጉበእ እትከ። ክልብ እንዴ ኢትከሬ አክል ሕድ ለኢኮን ሒራን ዶል ትትከበት ነቲጀቱ ደማር ወቅዖስ ለአለበ መጺጸት ትጉብእ።

ከእለን ተልየ ሰለሰ መርሐለት እንዴ አቅመትኩ ለናይ ዐውቲ ወጅሀት ፍክር እብ ከፎ እት ትተላሌ ትገይሰ ረኤ፣-

ሒራን ሓግል፣ ሐር ዐሬቤ ቡቲክ ሰእየት። ሰለሞት (መትሐላል)፣ ወእት ደንጎበ እሰትቃለት።

ሒራን ዕጉል፣ ደማነት እት ነፍሱ አማነት። ሰእየት፣ መትፈራር እት ገሌ ነኣደሽ ላቶም መጸግም።

አተላለዮት ሒራን ዕጉል፣ ደማነት ነፍሰ እት ትትወቀል ትገይሱ። ለእሎም ብክ መዋህብ ወሕየል እት ተአምኖም ትገይሱ። እት ገሌ ዓባዩ መጸግም ትትፈረር። ለናይ አማን ሸንሀትክ ወምራድክ አክል ሕድ ፈርጎም። አረይ እግል ኢትግበእ አወመ እግል ኢትክሰር ኢትፈርህ።

ወክም ነቲጀት ናይ እሊ ህዩ፣ ብቆት ትመጽእ። ሕግላን ሳድፍ፣ ትረግእ ወምን አሲራር ትብዋር። ሰድመት ትጉበእ እትከ፣ ናይ አረይ ግብኦት ፍክር ወርሰከ።

ወክም ነቲጀት ናይ እሊ ህዩ፣ ደማነት እት ነፍሰ ትትወቀል። መትፋዋል መጽእ። ትትለወቅ ወነፍሰ ትወዴ። ወብዝሕት እግል ተአውቄ ገጽ ቀደም ሌጠ ትብል።

ፍገሪት፣- ሰኒ ወአማን ገጽ ቀደም ተአሳድር። ለእሉ ሳትት ዐልክ ሀደፍ ትጨቅም። ምን ቅዖስ ወለዐል ርሕክ እት ተአምን ወደማን እት ወዴ እተ





ነፈሰ ወድ ዕትማን

## ዓሳስ

ዓሳስ እክል፡ ሐሳብ፡ መዐር . . .


ክእን አዜ እብ ከናትል ወሊትሮታት እብ አምታር ወኪሎሜተራት እንዴ ይእንሚዝን ወይእንማትር አዳምን ቀዳምያም ናይ ኖሶም ዓሳስ ዐለ እሎም። እሊ ተሌ ዓሳስ እት ክታብ ክልኤ መንሰዕ፡ ድግም፡ ፍቴሕ ወዓዶታት እብ ካርል ጉስታቭ እብ ትግራይት ለትከተባ ቱ። ‘ለትከተብት ተአከበት’ ምን ጉብኣ እግሉ እብ ክቱብ ረከብናሁ ድኢኮን ብዕድ ዓሳስ ወምክያላት እግል ለሀሌ ቀድር፡ አውመ ለቅያስ ናይለ ዕስ ሀቱ ዲብ እንቱ ብዕድ አሰማይ ለብእቱ እግል ለሀሌ ቀድር፡ ህግዩ ትግራ ምሒዋተ

ነፈሰ ወድ ዕትማን ወኢኖ ሊትማን እብ ክሰሰ ሐልዮት፡ ዓዳት ወአድጋማት ትግራ እተ ወደዉ በሐስ ወድራሳት፡ ክምሰልሁመ እት ደረጀት ጥባባት ለአብጸሐው፡ ዮም ክብት ትግራይት ጋብእ ለህለ አክትብት፡ እግለ መጽእ ጂል ህግዩ ትግራ ዝሕረት ዐባይ ቱ። ነፈሰ ወድ ዕትማን ወኢኖ ሊትማን ህዩ ዲብ ተእሪክ፡ ዓዳትን ወሕላይን ለአግደዉ ዶር እብ ቀሊል ለልትረኤ ኢኮን። ከሰፍሐት ፈን ወዓዳት እሊ እት አክትብት በዲር ለህለ ክሉ አዳም እግል ልርከቡ ሰበት ኢቀድር፡ እትሊ ዓሙድ እሊ ምን ብዞሕ ጽበጥለ አክትብት ዲብ ለሐራ ቀድም እኩም ህለ። ከእግል ዮም ምን እሊ አክትብት እሊ ዱሉይ ለህለ ጽበጥ እግል ንርኤ።

ወለሕነ ነአምረ ምን ምሒዋ ቅጥረትመ ኢተምም። ቂርአት ጀሪደት ኤረትርዮ ሐዳስ ህዩ ለእለ ተአምሮ እብ ጀዋባትኩም ውሰክ አብሎ። እተ ዘበን ለህይ ልትንፈያ እቡ ለዐለው ዘየታትመ ምኑ ገሌ እግል ነአምር ወአምርን እግል ነአዚድ ምህም ሰበት ቱ።

እት “ዐሳስ መምዘኒታት ወደርህም” ለልብል አርእስ ክቱብ ክምለ እንረክብ፡ እት መንሰዕ ዕስ ለሹም ለአፈግሮ። ውብዕዳምመ እሉ እንዴ ሰጠው/አፍየሐው ለአፈግሮ። ለአግደ ዕስ መንሰዕ እግል እክል ዕቤላቱ። ዎሮ ዕቤለ አርበዕ ክፋሉ ፈግር፡ ወክፋሉ እብ ሽልያ ክልኤተ፡ ወእብ አርኬት/





# ተስፋይት ኮበሪት ክግር ክግብ ሐኪፍ ዲብ ካስ ዐክም 2022

እት ፍንጌ ድወል እዲነ ገብእ ለሀላ ትልህያታት ሚመዮት እግል ጅግራታት ካስ ዐለም ቀጠር ሰነት 2022፡ ምን ዮም 11 ኖቨምበር እንዴ አንበተ ልተላሌ ሀላ። እሊ ጅግራታት እሊ እቱ ለልሐልፍ ፍረቅ ድወል ህዩ፡ ዲብ ቀጠር ለትትሐደሩ እድንያይ ትልህያታት ኮበሪት ክግር ካስ 2022 እግል ልሻርክ ቱ።

ለጅግራታት እት 9ይት ወ10ይት መርሐላቱ ዕዱይ ምንመ ሀላ፡ ለዲብ ካስ ሰነት 2022 ለሻርክ 32 ደውለት ላተ አስክ እለ ፍሩጋት ኢህለዩ። አፍሪቃ 6 ደውለት እግል ተአሻርክ ምንማ ቱ፡ ልሰዕ ለድወል ዲብ ተስፍያት ሰበት ህለዩ፡ ለልሐልፊ ምንን ድሉያት ኢህለዩ።

እብ አሳሰለ እት ዮም 11 ኖቨምበር ለገብእ ትልህያታት፡ ላግዘምበር እግል አዘርቤይጃን 3-1፡ ቅብለት መክዶንዩ እግል አርሚንዩ 5-0፡ ሩሰዩ እግል ቀብሩስ 6-0፡ ጆርጅዩ እግል ሰዊድን 2-0፡ ጆርመን እግል ሊጥቲንስተይን 9-0፡ ክሮኤሽዩ እግል ማልተ 7-1 ወስፕደን እግል ግሪክ 1-0 ቀልቦ እት ህለው፡ ስሎቫክዩ ወስሎቪንዩ 2-2፡ ሮማንዩ ወአይስላንድ 0-0፡



ክምስልሁመ ፖርቱጋል ወአየርላንድ 0-0 ደሮን ለፊግሪ ፍረቅ ቱ።

ዲብ ዮም 12 ኖቨምበር ለገብእ ጅግራታት ተስፍያት ህዩ፡ ስኮትላንድ እግል ሞልዶቫ 2-0፡ ሃንጋሪ እግል ሳንማሪና 4-0፡ ቅብለት አየርላንድ እግል ሊትዋንዩ 1-0፡ አውስትራልዩ እግል እስራኤል 4-2፡ ብሪጣንዩ እግል አልባንዩ 5-0፡ ፖላንድ እግል አንዶሪ 4-1፡ ዴንማርክ እግል ጀዛይር-ፋሮ 3-1፡ ፊንላንድ እግል ቦዝንዮ-ዝርባንቪና 3-1፡ ቱርኪ እግል ጀቦል-ጣርቅ 6-0፡ ዌልስ እግል ቤላሩስ 5-1፡ ቤልጅም እግል ኢስቶንዩ 3-1፡ ፊረንሰ እግል ካዞኪስታን 8-0 እት ቀልቦ፡ ሰዊዘርላንድ ወኢጣልዩ 1-1፡ ኖርወይ ወላቲቭዩ 0-0፡ ሞንቴኔግሮ ወኔዘርላንድ 2-2 ትፈናተው።

ሰንበት ዐባይ እት ገብእ ትልህያታት 10ይት መርሐለት ምን እንረኡ ህዩ፡ ክሮኤሽዩ እግል ሩሰዩ 1-0፡ ስሎቪንዩ እግል ቀብሩስ 2-1፡ ስሎቫክዩ እግል ማልተ 6-0፡ ሮማንዩ እግል ሊጥቲንስተይን 2-0፡ ቅብለይ ማክዶንዩ እግል አይስላንድ 3-1፡ ክምስልሁመ ጆርመን እግል አርሚንዩ 4-1 ቀለበም።

ሰነት 2022 እግል ደውለት ቀጠር ክም መትሐድራይት ካስ



ካስ ዓለም 2022 ዲብ ቀጠር

ዐለም፡ ለዐበ ተሐድያት ክም ጋብህ ልትህደግ። ሰበቡ ለበዝሐ ፍረቅ ካስ ዐለም ምን ድወል ብሩድ ለመጽእ ሰበት ቱ፡ ሐፋነት እግል ልክህል ቱ መኢፋሉ፡ ቀጠር ህዩ ለትከፊ ብንዩት ትሕትዩት ተአዳሌ መኢኮን፡ ሓለት አምን እት ወቅትለ ጅግራታት ከአፎ እግል ትግበእ ቱ፡ ለልብል ወብዕድ አስእለት ምነ ወቅት ለበልሱ እግል ልግበእ ቱ።

ምናተ፡ ቀጠር እግል እሊ ጅግራታት ለትትሐደር ዲብ 7 ስታድዩማት እዱሊት ህሌ። ሉሰይ፡ አልቱማመ፡ አልቤት፡ ረአስ እብዐቡደ፡

ልትጃግሮ ህለው።

መጅመ-ዐት1፡ ፖርቱጋል፡ ሲርብዩ፡ ላግዘምበርግ፡ አየርላንድ፡ ወአዘቤይጃን

መጅመ-ዐት2፡ ስፕይን፡ ሰዊድን፡ ግሪክ፡ ጆርጅዩ ወኮሶቭ

መጅመ-ዐት3፡ ኢጣልዩ፡ ሰዊዘርላንድ፡ ቅብለት አየርላንድ፡ ቡልጋሪዩ ወሊትዋንዩ

መጅመ-ዐት4፡ ፊረንሰ፡ ፊንላንድ፡ ዩክሬን፡ ቦዝንዮ-ዝርባንቪና ወካዞኪስታን

መጅመ-ዐት 5፡ ቤልጅም፡ ዌልስ፡ ጅምሁርዩት ቼክ፡ ኢስቶንዩ፡ ወቤለሩስ

መጅመ-ዐት6፡ ዴንማርክ፡ ስኮትላንድ፡ እስራኤል፡ አውስትሪዩ፡ ጀዛይር-ፋሮ ወሞልዶቫ

መጅመ-ዐት7፡ ኔዘርላንድስ፡ ቱርኪ፡ ኖርወይ፡ ሞንቴኔግሮ፡ ላቲቭዩ ወጀቦል ጣርቅ

መጅመ-ዐት8፡ ክሮኤሽዩ፡ ሩሰዩ፡ ስሎቫክዩ፡ ስሎቪንዩ፡ ቀብሩስ ወማልተ

መጅመ-ዐት9፡ ኢንግላንድ፡ ፖላንድ፡ አልባንዩ፡ ሁንጋሪ፡ አንዶሪ ወሳንማሪና

መጅመ-ዐት10፡ ጆርመን፡ ቅብለት ማቅዶንዩ፡ ሮማንዩ፡ አርሚንዩ፡ አይስላንድ ወሊጥቲንስተይን

እለ ተሌ ሰቡረት ንቃዋ ናይለ ውቁላት 10 ድወል እት ቀደም እለ ለገብእ ትልህያታት ተስፍያት ካስ ዐለም 2022 ቱ።

|            |           |
|------------|-----------|
| 1, ጆርመን    | = 27 ንቅጠት |
| 2, ዴንማርክ   | = 27 ንቅጠት |
| 3, ኢንግላንድ  | = 23 ንቅጠት |
| 4, ክሮኤሽዩ   | = 23 ንቅጠት |
| 5, ሩሰዩ     | = 22 ንቅጠት |
| 6, ፖላንድ    | = 20 ንቅጠት |
| 7, ኔዘርላንድስ | = 20 ንቅጠት |
| 8, ቤልጅም    | = 19 ንቅጠት |
| 9, ኖርወይ    | = 18 ንቅጠት |
| 10, ቱርኪ    | = 18 ንቅጠት |



ፊሪቅ ቤልጅም ኢስቶንዩ ለቀልበት ዲብ መናሰበት

## ሽምፕዮን ኩረት እግር አቅሊም ምግብ ለአተላሌ

ትልህዩ ሽምፕዮን ሱፐር ዲቪዥን ኩረት እግር አቅሊም ምግብ ሰንበት ዐባይ እት እስታዲዮም አስመረ እንዴ አተላላ ለወዕለ ዲቡ፡ አልታሕሪር ምስል ዕዳገ ሐሙስ 2 እብ 2 አዱሊስ ህዩ ቅብላት ደንደን 1 እብ 1 እእንዴ ትፈናተዩ ንቀዋ ትካፈለዩ።

ሰልፍ ሰዓት 2 ሐቅ አዝሀር አስክ ሚዳን ለአተዩ አንድዮት አልታሕሪር ወዕደገ ሐሙስ ዐለዩ። መተልህዮት አልታሕሪር እግል ዝክረት እትለ ሰምን እለ እት መትላማድ እንዴ ህሌት እብ ብቅት መኪነት ለትወፊት ሰእዩት ለዐለት እት መጃግራይት ዐጀላት ኤረትርዩ ደሴት ኪዳኔ ጸሊም ጨርቅ እት እዴህም እንዴ አስረው ትልህዩም አተላለው። ደሴት ኪዳኔ ሕቱ እግል ናይብ ሙደርብ አልታሕሪር ዩራን ኪዳኔ ቱ።

ምን 2020 እብ መትነን ዘውዴ ትደረብ ለህሌት አልታሕሪር እት ለሐልፈ ትልህዩ ቅብላት አስመረ ቢረ ለወዴቱ ትልህዩ ንቅጠት ክም ትካፈለት ለልትፈቀድቱ። ሰበት እሊ፡ ሐቱ ኑቅጠት እንዴ ጸብጠት ቱ ቅብላት ዕዳገ ሐሙስ ለተልሂት። ትልህዩ ክም አሰብደ አልታሕሪር እት 19 ደቂቅ ይክኣሎ ሕድሮም እበ ለሰጃለዩ ጎል 1 እብ 0 እንዴ መርሐት እግል ዕርፍ ፈግረት።

ሐቅ ዕርፍ አልታሕሪር ዶር መርሐት ለተአተርድ ጎል እት 51 ደቂቀት እብ ዮነታን ተክስቱ ሰጀለት። ትልህዩ እብ ማርሐት አልታሕሪር እት ዋስል ቦርቴሌ ዕዳገ ሐሙስ ተመስገን ገመቹ እት 61 ደቂቅ እብ ክልኤ አስፈር ምን ሚዳን ጠረዘ። ዕዳገ ሐሙስ እብ 10 መተልህዮት እግል ትተልሂ ምንመ ትጀበረት እት 77 ደቂቀት አቤል ክብሮም ጎል እንዴ ሰጀለ ትልህዩ 2 እብ 1 አጽበቡቱ። እሊ ፈሪቅ እንዴ አትለ እት 85 ደቂቀት እብ ሮቤል ክብሮም ካልአይት ጎል ሰጀለት ወትልህዩ 2 እብ 2 ገብኡ። አልታሕሪር ለሰጀለቱ



ጎላት እቱ እግል ትትሐፈዝ እብ ኢቅድረተ ኑቅጠት እንዴ ትካፈለዩ ፈግረዩ።

እንዴ አትለዩ አዱሊስ ወደንደን እብ ምግባይ ዳንዩ ሄኖክ ተስፋሚካኤል ናይ ከዋ ደንያታት ቱድሮስ አክሊሉ፡ ሚክኤል ሀይሌ ወመሐመድ እት ትትመራሕ ሰዓት አርባዕ አልዐስር እት ሚዳን ትክረዩ። ክልኤቱ ፍረቅ አክልሕድ ሰውያት ምንመ ዐለዩ ደንደን ላኪን ለትወቀለ ናይ ህጅም ቅወት ተረኡ ዐለት። ደንደን ህጅማት ትሩድ ትወዴ ምንመ ዐለት አዱሊስ እብ ገበይ ሪጎሌ እት 25 ደቂቀት እብ አሕመድ ኢብራሂም ጎል ሰጀለት። ትልህዩ ጅግራሁ እት ልደቀብ እት ለጌስ እቱ ወክድ ደንደን ሐቅ ትሉሉይ ህጅማት ዲብ 36 ደቂቀት ሴም መድሕን እንዴ ዐጽፈዩ ለዘብጠዩ ቢንያም ግርማይ ጎል ሰጀለዩ ወሚዛን ትልህዩ እንዴ ሳወ እግል ዕርፍ 1 እብ 1 ፈግረዩ።

እት ካልአይ ትልህዩ፡ ለጅግረ ምንመ አተላላ እብ ፍንቱይ ዲብ ትመት እት ቀርብ ዲቡ ወክድ እብ ክልኤቱ ጃንብ ህጅማት እት ለአተላሌ ጎል ለሰጀል ፈሪቅ ላኪን ይትረክበ። እብሊ ትልህዩ 1 እብ 1 ተመ።

አልትኒን ካልአይ ትልህዩ ለወደዩ ፈረቅ ደንደን ወአልታሕሪር ከክልኤ ንቅጠት ለአክብ እት ህለዩ ዕዳገ ሐሙስ ወአዱሊስ ህዩ ሐትሐቱ ንቅጠት እኩባት ህለዩ። እሊ ትልህዩ ፈጅር ከሚስ መ ምን ሰር አምዕል ፓራዲዞ ቅብላት ሸሪክት ሰገን፡ ቀዩሕ ቤሐር ቅብላት ዝዘብንደ፡ አስመረ ቢረ ህዩ ቅብላት ሸሪክት ሰምበል እበ ለወድያሁ ትልህዩ እግል ለአተላሌቱ።





## እብ ሰበትለ ዐባዩ ቢንቶታት ኤረትርዮ ሚ ተአምሮ?

ቢንቶታት ምፍጋር ጸሓይ ቀላቅል



እምበል እሊ እት ጋድሞታት ለህለ ቢንቶታት ዲብለ ዐስተር ለመስል መፋግር ወመካሪት ለበዝሐ እቱ አድብርመ እግል በዋቢር ወመካይን እንዴ ትበህለ እብ ዕቢናሁ ነኣይሽ ምንመ ገብእ፡ ምን ጠረፍ እት ጠረፍ ለትፈናተ ቢንቶታት ሽቁይቱ።

ምንውዳቅ ጸሓይ

ቀላቅል ዲብ ምፍጋር ጸሓይ ቀላቅል ምን እንገይስመ እት ዘበን ጥልያን ወሐቅ ሕርየት ነኣይሽ ወዐባዩ ቢንቶታት ህለ። እሊ ህዩ ምን መሓባር እንዴ አስተብደ፡ ግንደዕ ለለኣቱ ሕሊል ማይ አድከሞም እት ባካት ገሕቱላይ ለህለ ዝያደት ክሉ ላኪን እብ ዕቢናሁ ዲብ ገበይ ባጽዕ አስመረ ምን ህለ ቢንቶታት ለልትህደግ መሓዛት ዶገሊ ወእምክሉ ለልትዐደው ክልኣት ቢንቶ ምን ናይ ምፍጋር ጸሓይ መሓዛት ለልትዐርረውቶም። እሉም ፍንጌ ባጽዕ ወአስመረ በዋቢር ምድር ወመካይን ምስለ ውቁል አድብር ዲብ ልሄርር እም ለለሐፍ ቢንቶታት እግል ቤጽሐት ለልስሕብ ወዲብ ሲያሐት ዐድነ ዶር ዐቢ ለለኣገዴ ቱ።

ምን እሉም እንዴ ሐለፍ ባጽዕ ዶል ነኣቱ ለምስል በሐር እንዴ ትሳወ ምን ዘበን ኣትራክ ለጸንሐ ወሐቅ ሕርየት ምን ሐዲስ እንዴ ፈይሐ ሽክሉ ብዙሕ እንዴ ኢቡድል ለትሸቀ መካይን ባቡር ወአዳም ለልትዐዴ እቡ እግል ዐዳገ ወጥሞሎት ለለኣትራክብ ሕድ ዎር ኪሎሚተር ለገብእ እብ ሲጋለት ቀጣን ለልትአመር፡ ክምስልሁመ እግል ጥሞለት ወረኣስ ምድር ለለኣትራክብ እብ ባብወሽረ ለልትአመር ካልኣይ ቢንቶ እግል ልዘከር ቀድረ።



## ለለትዐጅብ ሐቃይቅ

- ዎር ካፊ ዕሽል አርጸት አስክ 60 አልፍ ለልትዋገም አንፋር ቡ። ለለትዐጅብ እሊ ዕሽል አርጸት ዲብ አምዕል አስክ 20 ምእታይት ናይ 28.35 ግራም ዕጪይ እግል ልትመወን ክምስል ቀድር ልትአመር።

- ዕንታት ዎር ነፈር እት ክል ሰነት እብ ጌማም አስክ 4 ሚልዮን 200አልፍ ወቅት ለአሽለምልም (በል-ሽም ልብል)

- አምሪክ ዲብ በረድ እብ ብዝሐ ለልትከሬ እቱ ጸረጊት እግል ትከወነ በረድ እግል መዋሶት፡ እት ክል ሰነት 10 ሚልዮን ቶን ለልትጌመም ጩወት ልትፈፊ።

- ዐለም ዝያድ 1 ሚልዮን ወ200አልፍ ጅንስ ሐዋናት 300 አልፍ ጅንስ አትክል ህለ።

- ዑፋይ ጭፍር እት ክል ሰነት ናይ ክልኣት ሰንትሚተር ዐቦት ለርኢ።

- ዲብ ሰርዐት መፍሬ አንጻይ ምን ሻፍግ ዐቦት ለለርኢ መክሉቃት ሐቱ ተ። እብ አሳስ እሊ ዲብ 18 አውራሐት ክልኢ ዐንጻይ አስክ ዎር ሚልዮን ለልትጌመም ውላድ እግል ልፍረየ ቀድረ።

## ነ ቅ ፈ

ዲብ ዮም 7 ኖቨምበር 1997 ሚ ትዘከር? በሊስ ናይ እለ ምዕል እለ መሐመድዐሊ ሸናነ ሻርሐ ህለ። ከለበሊስ ሕኔት እብ ጥሉቅ ክቱብ እብ መስሎሊብ ልጡም እኩም ሰበት ህለ ታምም ጽበጡ ምን መሐመድዐሊ ወሸዕፋር ርኮቡ።

ዕምለት መጽአት ህሌት ብዙሕ ኬረ ሰሚተ ነቅፋተ ብር ኢተምሱለ ውብጤረ 12 ፊኣተ ኬረ ምስለ ዔረ ክም ሐ እንፈትየ ወለክ ወመቱለ ክም እንስ እንፈትየ ዓይሮ ወለ ብዔረ ክም አባግዕ እንፈትየ ተመነ በዕለ አላፍ ቤለ ክም ዐጣል እንፈትየ ዲብ ሕድ ዒብዒብ ቤለ ወምን ክሉም እንፈትየ ብዙሕ ኬረ።

ግናሕ ለሓባረ አድሕድ መስል ነቅፈ ስነን ገብኣት ወተመስል ክኣፎ ገብእ ኒበለ እግል ንወስፈ ምን እምብል እደይ አድሕድ ንንሰእ መብሩክ ኒበለ ወተስትህል

ዲብ ርያል ሐዲድ ሐርማዝ ዐባዩ እዘን ዲብ ሐምስ ግርሽ ገርወ አቅርን ባቅል ረኣስ እዘን ዲብ ክልኣት ግርሽ ወሰር አድግ ከደን ዲብ ግርሽ ሰገን - ወዲብ ተዕረፈት ወነን ዲብ ሐቱ ሰምቲም ሾከን ወዲብ ክለ ደንደን ዕን ሰኒ ርኢት ወሰኒ ሰምዐ ለእዘን ምን ነቅፈ መጽአት ዐድ ጸግበ ወከደን ኬረ አፍያት አተ ገድም ከድረ ኢትሕዘን




ደሀብ ክሩይ ህለ ዲብ ሰዌሰረ ነቅፈ ሸንብሬበት ቀበት ቤተ ወእለ ትርኡወ ግሩሽ ዐጃተ ወኣዜ ፔትሮል ህለ ለሰኔተ ረቢ ለኣትምም እለ ለንዌተ ሰኒ እግል ልገንድል መሳኒተ ወእግል ልቡ ልንደድ ሰብ እኪተ እለ ምን ረክበ ሰኔት ምን ረቢተ

ወለት ድጌ እንቲ ድጌ ደገ ወለት ጸንዒት እንቲ ለዐደ ረከ ወለት ሓይስ እንቲ ብዝሕት ለመትሎህ መርዓት ምርዒት እንቲ ብዝሕት ታለይቶህ አድሕድ ከሸከሸ ቤለ ደሀበ ወሰርገህ ዲብ ምን እወሰፈ ዓድል ቀጠን ከቦህ ልብዬ ህለ ምስለ ከእበ ሐሬኮህ ተኣስትህለ ነቅፈ እለ ምን ገብኣት ብደሀ።

## ሰኣላት ተክተት 9/2021 (መ/እድሪስ)

| ስምጥ                      | ታኪ             |
|--------------------------|----------------|
| 1 ምን መጽዕን                | 1. ነሐርስ        |
| 3 ጅንስ ሰዐር                | 2. ሕሻል ፈረስ     |
| 5 ምስግድ                   | 3. ፈርህት አው በሀጅ |
| 6 ፒራሚድ                   | 4. ዋርድየት       |
| 7 መንገዳት ቤት               | 8. ሓጥር         |
| 9 እንገንሕ እበ               | 9. ተበት         |
| 10 ሐፋነት                  | 10 ክበት እዴ      |
| 12 ድድ ሸም (ገጽ ግረ)         | 12 ዐቅል         |
| 13 ፍጡር/ምኑይ               | 15 አዘም         |
| 14 እንዴ ኢልትደረር ለትመየ       | 17 ጂል (ገጽ ግረ)  |
| 16 ወለት “ቤለት” እምብል ሕጻን ህዩ |                |



## ፍንቲት ሰወር ርክብ



## ሳድስ ወራር እብ ካርቱን (ዕልብ 6)

